

GOMME GE MAHLO A BONA A BULEGA, BA MO TSEBA



Gomme go tšwa go Ebangedi ya Mokgethwa Luka, go thoma ka tema ya 24 gomme temana ya 13.

Gomme, bonang, ba babedi ba bona ba ile lona letšatši la go swana motseng wo o bitšwago Emause, e bego e ka ba botelele bja mašemo a masome a a tshelalago go tloga Jerusalema.

Gomme ba boletše mmogo ka dilo tšohle tše di diregile.

Gomme go diregile, gore, ge ba be ba sa boledišana mmogo le go fa mabaka, Jesu yenamong o batametše kgauswi, gomme a sepela le bona.

Eupša mahlo a bona a be a širilwe gore ba se kgone go mo tseba.

Gomme o rile go bona, Ke dipoledišano tša mohuta mang tše le nago natšo seng sa lena, ge le sepela, gomme le nyamile?

Gomme yo motee wa bona, yo leina la gagwe e lego Kleopa, a araba a re go yena, A o no ba moeng ka Jerusalema, gomme wena ga o tsebe dilo tše tšeo di tlilego tša phethega ka matsatšing a?

Gomme a re go bona, Ke dilo dife? Gomme ba rile go yena, Malebana le Jesu wa Nasaretha, yo e bego e le moporofeta yo maatla medirong le lentšung pele ga Modimo le batho bohle:

Le ka fao baprista ba bagolo le ba babuši ba mo gafetšego go bo . . . go ahlolelwa lehu, gomme ba mmapotše.

Eupša re be re tshepile gore o be a le yo a bego a swanetše go lopolla Israele: gomme ntle ga se sohle, lehono ke letšatši la boraro mola dilo tše di dirilwego.

Ya, gomme basadi ba bangwe ba rena le bona ba re makaditše, bao ba bego ba le lebitleng ka leselaphutiana;

Gomme ge ba hlokile mmele wa gagwe, ba tlile, ba bolela, gore gape ba bone pono ya barongwa, ye e rilego . . . o be a phela.

Gomme ba bangwe ba bona ba ba bego ba na le rena ba ile lebitleng, gomme ba hwetša ebile . . . go le bjalo ka ge basadi ba boletše: eupša yena ga se ba mmona.

Nako yeo a re go bona, O mašilo, . . . pelo ya go tšwafa go dumela tšohle tše baprofeta ba di boletšego:

A Kriste o be a se a swanela go tlaišega ka dilo tše, le go tsena ka letagong la gagwe?

Gomme a thoma ka Moshe le bohle baprofeta, a ba hlathollela. . . ohle mangwalo dilo tše di amago yenamong.

Gomme ba batamela kgauswi ka motseng, moo ba bego ba eya: gomme a dira mo o ka rego o be a sa ya pejana.

Eupša ba mo phegelela, ba re, Dula le rena: ka gore ke go batamela mantšiboa, gomme letšatši le fedile. Gomme o ile ka gare go leta le bona.

Gomme gwa direga, ge ba dutše dijong le bona, o tšere borotheo, le go bo šegofatša, le go bo ngwatha, gomme a ba fa bjona.

Gomme mahlo a bona a bulega, gomme ba mo tseba; gomme a timelela pele ga mahlo a bona.

Gomme ba boletše yo motee go yo mongwe, A dipelo tša rena ga tša ka tša swa ka gare ga rena, ge a be a bolela le rena tseleng, le ge a be a bulela mangwalo go rena?

² A re fel- . . . inamišeng dihlogo tša rena bjale ka thapelo.

³ Modimo yo Mokgethwa kudu, re batamela Wena ka Leina la Jesu, Morwa wa Gago. Gomme re dumela gore re ka Bogoneng bja Gago bjale, bjalo ka ge ka tumelo re etla go aletara ye kgolo ya Gago, moo Madi a Gagwe a lego gona, go re bolelela legatong la rena. Gomme ka nnete re batho ba go itlhokela, Morena. Re a Go hloka, gomme re—re kgopela bakeng sa mogau wa Gago. Gomme ge re bona diprofeto di phethagala lehono, gore ke—ke kereke, ga ka fao re bilego go huma ka go dilo tša lefase, le go nagana ga re hloke selo, gomme O rile re be re “hlobotše, re foufetše, re šokiša, le go foufala, gomme ga se re e tsebe.” Gomme, Tate, re kgopela bakeng sa mogau, gona, gore O tla bula mahlo a rena go kwešišo ya Lentšu la Gago, gore re ke re kwešiše iri re phelago go yona, gore re ke re itokiše renabeng bakeng sa go bonagala ga Gagwe, bjalo ka ge ka therešo re dumela go batametše. Kafao bjale re tla rata go kgopela gore O tla fa go rena, bošegong bjo, ditlhologelo tša pelo tša rena, go ya ka mahumo a Gago ka Letagong.

⁴ Go swareleng dibe tša rena, Morena. Re—re rapela gore O ka se lebelele go se kwešiše ga rena le go hloka tsebo ga rena—ga rena, mabapi le dilo tšeo re swanetšego go di tseba, gore O tla re swarela bakeng sa seo. Gomme re gopole, feela bjalo ka batho, Tate, re ka fase ga mehuta yohle ya diphošo le mathata. Wena o tlhokamagomo, wa go se palelwe, Modimo wa neng le neng. Re rapela gore O tla ba mogau go rena le go re fa ditšhegofatšo tšeo re di kgopelago, ka gore re e kgopela ka la Jesu Leina. Amene.

Le ka dula.

⁵ Bjale, re a leboga gape bošegong bjo bakeng sa monyetla go beng fa ka go. . . otithoriamo ye, le go ba le nako ye ye botsebotse go kopanela gape go dikologa dilo tša Modimo.

⁶ Ke maswabi go ba ke le swaretše bošegong bja go feta, kgahlanong le tshepišo ya ka, gore, ke le boditše re tla be re tšwile mantšiboa a mangwe le a mangwe ka—ka magareng ga senyane le masometharo a senyane. Gomme ke—ke—ke e fošitše mantšiboeng a go feta, gomme ke—ke maswabi ke dirile seo. Bjale, bošegong bjo, ke tla leka go boloka seo, le lena, gobane ke a tseba ba bantši ba lena le a šoma. Gomme le swanetše go ya mošomong. Lena, lena batho, lena basadi le swanetše go dira bannabagatša ba lena go ya mošomong, le go ya pele. Gomme ba bantši ba lena le a šoma, gomme go thata.

⁷ Gomme ke nagana gore, lehono, re bile le go rera go gontši. Badiredi ba bakaone ba bantši, badiredi ba go kgona, ba re tlišeditše Lentšu, badiša ba lena le—le baebangedi, le go ya pele, bao ba tlogo go kgabola toropokgolo. Eupša, ke a nagana, selo se segolo seo ke lekago go—go leka go se tliša go lena, ke bo—bo bokgonthe bja Bogona bja Kriste, gore—gore le ke le bone Yena le go tseba gore yoo ke Yena, ka tshepišo ya Gagwe ye e tsebagaditšwego bakeng sa letšatši.

⁸ Bjale, mantšiboeng a go feta re lekile go fa tlhalošo ye nnyane, gomme bošegong bjo re ne tlhalošo ye nngwe ye nnyane, le mohlomongwe gosasa bošego.

⁹ Gona, Morena ge a rata, Mokibelo bošego, gobane le ka se swanele go tsoga ka pela Lamorena mosong, ke—ke nyaka go leka go tliša Molaetša ka—ka tsela yeo e tla bago go kwi- . . . kwišišagala kudu go badiša le bale bao ba ka go . . . go e bea morago ka Mangwalong.

¹⁰ Gomme ka gona, Lamorena morago ga sekgalela, re nyaka—nyaka go ba le mo—mo mothalo wa thapelo, le go rapelela balwetši, ka go bea diatla godimo ga balwetši le go ba rapelela ka mokgwa woo. Gomme re hwetša gore, ka katlego, bale ba ba sa kgonego go obeletša ka tumelo gomme ba no Mo dumela le go e amogela. Tsela ya ka ya go e nagana, gore go tla ba kaone ge re ka no phagamela godimo le go Mo amogela.

¹¹ Fa ka Afrika Borwa, ge ke be ke le ka kopanong ka Durban, moo batho ba e nyakilego go ba dikete tše makgolopedi, ke a thanka, ba be ba kgobokane ka lepatlelong la mokato ka Durban. Go be go na le, re tliša . . . Ba bile feela le batho ba bahlano mo sefaleng. Gomme ge motho wa bohloano a fodišitšwe, mo sefaleng, gomme go botšišitšwe badudibasetlogo ntle fale, moo ba bego ba no robala . . . Oo, nna!

¹² Gabotse, leo ke le lengwe la mapatlelo a mokato le legologolo lefaseng. Ke le legologolo kudu go feta Churchill Downs, ka Louisville. Gomme Maisemane bohle ba ya fale bakeng sa

dipapadi tša bona tša marega, go katiša. Gomme re na le lepatlelo la mokato, gomme le be le pakelane tsela yohle go tlala, le tsela yohle go kgabaganya lepatlelo. Gomme ke be ke le godimo ka lehlakoreng le lengwe, ka mo—mo moagong. Sidney Smith, ratoropo wa Durban, o nkišitše ntle fale letšatšing leo, go lepatlelo la mokato.

13 Gomme ke bone, ka thapelo e tee ya phuthego, ka morago ga ge badudibasetlogo bale. . . Ba bangwe ba bona ga se ba tseba ke sefe e bego e le seatla sa la go ja goba sa ngele. Gomme ke ba bone, ka morago ga ge ba bone. . .

14 Gomme ke hlalošitše. Ke bile le bahlatholli ba go fapana ba lesometlhano. Ge o bolela lefoko le letee, o swanetše go leta go fihla banna ba go fapana ba lesometlhano ba le bolela. Bjale, le a tseba ka fao seo se bilego thata, go merafe. Gomme morago ga ge seo se fetile, le go ba hlalošetša ka mokgwa wo monnyane wa se Jesu a bego a le. Ke rile, “Ba bantši ba lena fa ba swailwe bjalo ka Bakriste.” Ba sa phathekgile modingwana wa seswantšho ka seatleng sa bona, go le bjalo.

15 Gomme ke botšišitše o tee. Ke rile go Mna. Smith, ke rile, “Gobaneng modudiwasetlogo yola a phathekgile modingwana wa seswantšho? Gomme bjalo ka ge o rile, ‘Leo ke leswao la Bokriste.’”

16 O rile, “Ke lona.” O rile, “Ke Mozulu.” O rile, “Ke kgona go bolela polelo ya gagwe. Nno mmotšiša.” Gomme kafao o nno e dira legatong la ka. Kafao ke. . . Re batametše kgauswi le yena. Gomme ke mmiditše, “Thomas.” O rile, “Nno bolela e ka ba eng, gobane o be a le mmelaedi.”

17 Gomme ke rile, “Thomas, a o Mokriste?” Gomme, ee, o—o dumetše go Bjona. Gomme ke rile, “Gabotse, ke gobaneng o swere modingwana wa seswantšho ka seatleng sa gago?”

18 “Gabotse, e—e be e le Modimo, le sona. Gomme tatagwe o phathekgile modingwana yo wa seswantšho, gomme ge tau e mo šetše nthago. Gomme o bile le sona se fafaditšwe ka madi. Gomme—gomme o agile mollo wo monnyane, go bolela thapelo ye ngakamoloi a mmoditšego, gomme e tšhošitše tau go tšhaba.”

19 Gabotse, ke rile, “Nna ke—ke. . .” Lentšu *jagter*, *jagter* le ra “motsomi.” *Leeu—leeu jagter*, seo ke “go tsoma ditau.” Ke rile, “Nna ke—ke motsomi wa tau. Gomme ga se e be thapelo yeo e tšhošitšego tau go tšhaba, e bile mollo, ta—ta tau e boifa mollo.”

20 O rile, “Gabotse, o dumetše Amoyah.” *Amoyah* go ra gore ke “maatla a sa bonwego,” boka Modimo, goba boka phefo. Le a bona? Amoyah, se sengwe o ka. . . “O dumetše Amoyah. Eupša ge Amoyah a paletšwe, se se ka se ke.” Le a bona? Bjale, ao e be e le maatla a Bokriste, go bona.

21 Gomme ke ba boditše. Ke rile, “Bjale, le a bona, eng kapa eng moromiwa a le boditšego ka ga Kriste se lokile. Le a bona?”

Eupša,” ke rile, “go ne. . . Le a bona, ga se a le botše tšohle. O lekile go le botša, gore, ‘Maatla a Gagwe a magolo a eme ge A ehwa morago fale mo sefapanong, gomme ga re sa na seo gape.’ O fošitše fale. O a phela, le thwi magareng ga rena, le a bona, feela go swana bjalo ka ge A kile a ba.”

²² Gomme ge ba bone seo se netefaditšwe, feela boka le dirile mantšiboeng a go feta, ba akanyeditše dikete tše masompeditlhano di fodile ka nako e tee. Naganang ka seo.

²³ Gomme letšatši la go latela, Mna. Smith o mpiditše, o rile, “Ngwanešu Branham, eya lefastereng la gago, lebelela ntle go leba Lewatle la India, kamora ya gago—ya gago ya hotele.” Gomme go be go le dibene tše šupago tše kgolo tša Seisemane. Oo, nna! Ga re ne theraka e ka kgonago go rwala teetharo ya seo di ka se rwalago, di no katelana go tlala ka dikota le dirwadi, tše ba rwelego baratiwa ba bona ntle ga masodi, di kitelane godimo fale. Ba be ba le godimo ga yona, letšatši pele. Gomme šeba fa, ba sepela ka morago ga ditheraka tše, dikete tša bona, ka diatla tša bona godimo, ba opela, “Dilo tšohle di a kgonega. Dumela feela.”

²⁴ Bjale, ge mohetene, motho yoo a sa tsebego seatla sa gagwe sa la goja goba ngele ke sefe, mo—mo motho ka go seemo seo, a kgona go no bona seo se direga nako e tee, ka nako e tee go balwa Lengwalo le go mo hlalošetša; ke eng re swanetšego, re tleleimago go ba batho ba go tlala ka Moya, ke eng re swanetšego go e dira? Le a bona?

²⁵ Eupša, selo sa yona ke, re kitetšwe kudu go fihla yo mongwe le yo mongwe a efa kakanyo ya gagwe. Gomme, gabotse, e no ba phapano go tšwa go batho ba o kopanago le bona. Le a tseba, go ne. . . Gomme mohetene ga go nape gohle go era gore o swanetše go se tsebe go bala. Go na le bahetene ba go rutega, le a tseba, gomme go na le ba babebabe ba bona. Yeo, yeo ke nnete. Ge o swanetše go e goga. . . Ke tla le botša. Go eteng lefaseng, ke bile malka a mmalwa go dikologa lefase, eupša le a tseba moo ba hlokago baromiwa gampe go feta go kile? U.S.A. Thwi fa. Fa ke tšhemo bakeng sa boromiwa. Yeo ke nnete. Anke ba bangwe ba bona batho ba tle godimo, ba sa tsebe seatla sa la go ja le sa ngele, gomme ba rute batho ba se Modimo a lego. Ya. Ba ne mahlale a mantši, go fihla ba lahlegetšwe ke pono ka moka ya selo ka moka. Ya. Feela, ba leka go Se hlaloša, le go leka go—go Se šoma ntle, goba go leka go Se eleletša.

²⁶ Modudiwasetlogo ga a leke go eleletša selo. O no dumela gabonolo. Gomme seo ke se le swanetšego go se dira, go loka le Modimo, ke go no dumela. Le ka se kgone go eleletša Modimo.

²⁷ Go ka reng ge Moshe. . . ge a bone sethokgwa sela se sa swe? Bjale, Moshe o be a le rakhemise. Gomme Moshe o be a rutilwe ka go bohlafe bjohle bja Baegepeta. Eupša ge a bone sethokgwa sela, go be go tlaba. Gobaneng, ga se nke a re, “Bjale, ke a dumela ke tla ya godimo. Ge mollo o tima, ke tla tšea matlakala go tšwa

sethokgweng sela gomme ka a tšeela tlase, laborethoring, le go hwetša se le fafaditšwego ka sona, le a bona, go bona gobaneng sethokgwa sela se ka kgonago go swa gomme—gomme se sa swa.” Woo nkabe e le go batamela ga saense.

²⁸ Eupša o dirile eng? O hlobotše dieta tša gagwe gomme o dutše fase le go bolela le Yona. Modimo o boletše morago go yena. Le a bona? Ge o ikokobetša wenamong, ikokobetše wenamong.

²⁹ Go ka reng ge Mareta a ka be a rile. . . ge a kwele gore Jesu. . . Ka morago ga ge a rometše, go tla go rapelela Latsaro, be a hwile matsatši a mane. Go ka reng ge a ka be a kitimetše ntle, a rile, “Ke naganne re be re dumela se sengwe?” O bile le tokelo go Mo kgadimola, le a tseba, gobane O be a paletšwe go tla ge ba biditše.

³⁰ Eupša, le a bona, o bile le go batamela ga maleba. O ile go Yena, o rile, “Morena, ge nkabe O be o le fa, ngwanešu nkabe a se a hwa. Gomme le bjale, eng kapa eng O kgopelago Modimo, Modimo o tla Go fa yona.” Oo! Eng? Yeo ke yona. Yeo ke kgopolo. Le a bona? O bile le go batamela ga maleba.

³¹ Lebelelang tumelo yela, ge e rathile Jesu. O rile, “Ngwaneno o tla tsoga gape.”

³² O rile, “Ee, Morena. Mo letšatšing la mafelelo, go tsogo ya kakaretšo, o tla tsoga. O be a le mošemane wa go loka.”

³³ O rile, “Ke nna tsogo le bophelo. Yo a dumelago go Nna, le ge A hwile, go le bjalo o tla phela. Mang le mang a phelago gomme a dumela go Nna a ka se tsoge a hwa. A o dumela se?”

³⁴ O rile, “Ya, Morena. Ke a dumela gore Wena o Mesia, Morwa wa Modimo yo a bego a etla lefaseng.” Oo, nna!

“Le mmolokile kae?”

³⁵ Ke be ke bolela le mosadi, e se kgale botelele. Ke tsopotše se, se go ema gape, ke, ke batho ba ba tleimago go dumela go phodišo Kgethwa: Ke go dumela mmeleng le monaganong, go dumela monaganano godimo ga selo. Gomme ga ba dumele gore Jesu o be a le Bomodimo. Gomme ba boletše, gore, “O be a le monna wa go loka, eupša O be a le morutiši le rafilosofi, eupša O be a se Bomodimo.”

³⁶ Ke rile, “Ge a be A se Bomodimo, O be a le mofori yo mogologolo lefase le kilego la ba le yena. Ee, mohlomphegi. Le ka se kgone go dira selo go tšwa go yona eupša go beng Bomodimo.”

³⁷ O rile, “Ge nka go netefaletša, ka Beibele ya gago mong, O be a se Bomodimo, a o tla e amogela?”

Ke rile, “O ka se kgone go e netefatša ka Beibele yeo ke e balago.”

O rile, “Gabotse, ke tla go bontšha.”

Ke rile, “Go lokile.”

³⁸ O ile a re, “Ka go Mokgethwa Johane, tema ya 11,” o rile, “Beibele e rile, ge Jesu a ile lebitleng la Latsaro, ‘O llile.’”

Ke rile, “Kgonthe.”

O rile, “Gabotse, O kgona bjang go lla, a le Bomodimo?”

³⁹ Ke rile, “Gabotse, o no šitwa go bona se A bego a le. Ge A ile lebitleng, a lla, O be a le Motho. Eupša ge A gogetše magetla mannyane a Gagwe mmogo gomme a rile, ‘Latsaro, etla pele,’ gomme motho yoo a bego a hwile matšatši a mane a tla go tšwa lebitleng, yoo e be e le go feta motho. Yoo e be e le Modimo ka go Motho.” Le a bona? Thwi.

⁴⁰ O be a le Motho ge A theoga thaba, a swerwe ke tlala gomme a lebelela dijo mohlareng. O rogakile mohlare gobane o be o se ne dijo. O be a le Motho ge A be a swerwe ke tlala. Eupša ge A tšere dipiskiti tše tlhano le hlapi tše pedi, gomme a fepa dikete tše tlhano, go tšerwe dintlatlana tša go tlala tše šupago, yoo e be e le go go feta Motho. Yoo e be e le Modimo ka go Motho.

Gomme Modimo o ikemela Yenamong feela ka go motho. O kgetha motho.

⁴¹ Ge A be a robetše ntle kua godimo ga seketswana sela bošegong bjola. Moo, maatla a tšwile go Yena, mosegare wohle, a rera, gomme batho ba Mo gogagoga, a hlatha, le go ya pele. Le ledimo godimo ga lewatle. Ke a thanka bodiabolo ba lesome la dikete ba ikanne ba tla Mo kgamiša, bošegong bjoo, ge A be a letše morago fale, a robetše go bomorago bja seketswana; ona a phaphasela gohle boka sekhurumelo sa lebotlelo ntle fale go lewatle le maatla felotsoko. O be a le Motho ge A be a lapile, a letše fale, a robetše. Yeo ke nnete. Eupša ge gatee A tsogile, a bea leoto la Gagwe godimo ga brail mo seketswaneng, o lebelešetše godimo, o rile, “Khutšo, homolang,” yoo e be e le go feta Motho fale. Ya. Yoo e be e le Modimo ka go Motho.

⁴² O be a le Motho ge A ehwa mo sefapanong, a goelela bakeng sa kgaogelo. O be a le Motho. Eupša ge A kgaola mahuto a lehu, hele le lebitla, le go tsoga ka letšatši la boraro, O netefaditše O be a le go feta Motho. E be e le Modimo ka go Motho. Ga go makatše, motho mang le mang yo a kilego a ba eng o dumetše seo. Baretš bohle le se sengwe le se sengwe se se kilego sa ba eng, ba dumetše seo. Yeo ke nnete. O be a le go feta Motho. O be a le Modimo.

⁴³ Bjale, Modimo, ka go Morwa wa Gagwe Mong, o agile mmele woo A dutšego ka go ona, a tšea bodulo, o fetotše lebopo la Gagwe. Nno naganang. Jehofa a letše ka legopong, godimo ga mokgobo wa manyora ka setaleng, a lla boka lesea le lennyane. Diatlana tšela tše nnyane tša lesea, Jehofa yo monnyane a etla fase le go itšhira Yenamong ka go—ka go lebopo lela. Lebelelang Jehofa ntle a raloka, bjalo ka mošemane wa motšwamahlalagading. Lebelelang Jehofa a aga ka lebenkeleng la mmetli. Jehofa a lekeletše sefapanong. Morago, ge A tsogile, O

netefaditše O be a le Jehofa. Yeo ke nnete. “Modimo, ka go Kriste, a boelanya lefase go Yenamong.” O be a le go feta rafilosofi. O be a le go feta moprofeta. O be a le Imanuele.

⁴⁴ Bjale, bošgong bjo, re ya go batamela ye, thuto fa. Gabotse, re nno bala Mangwalo. Gomme re ya go tšea se bakeng sa sehlogo: *Gomme Ge Mahlo A Bona A Bulega, Ba Mo Tseba.*

⁴⁵ Bjale, tiragalo ya rena e thoma mo nakong ye botse, goba peakanyo, e nyakile go ba nakong ye ya ngwaga. E be e le pa—pa Paseka. Gomme e be e le ya mathomo, Paseka e kaone. Gomme Jesu o be a boile go tšwa bahung, mo nakong ya seruthwane, sa Paseka, a phela magareng ga batho gape. Gomme ba bantši, ba ba Mo ratilego, ba be ba sa e tsebe.

⁴⁶ Gomme seo ke go swana bjalo ka ge go le lehono. Go ne batho ba bantši ba ba Mo ratago, bao ka kgonthe ba sa kgonego go dumela gore O ne rena bjale. Bona, ba no bonala go se hlaologanye seo.

⁴⁷ Bona, ee, bontši bja bona ka letšatšing lela, ba ba sepetšego le go bolela le Yena, ga se ba kgone go hlaologanya gore O be a boile go tšwa bahung, le ge ba bile le dihlatse, ba bile lebitleng, le go ya pele, le go tseba gore O be a tsogile go tšwa bahung, eupša go le bjalo ba nno se kgone go e dumela. Gobaneng? Ke makala gobaneng. Le a bona, seo ga se se tlwaelege ruri. Le a bona? Go ne . . . Ga se go tlwaelege kudu.

⁴⁸ Gomme ka mehla go ka go dilo tša go se tlwaelege tšeo Modimo a lego ka go tšona. Ke dilo tša go se tlwaelege tšeo di Mo dirago Modimo. Le a bona? Tšeo ke tše di Mo dirago se A lego sona, ke dilo tše A di dirago tša go se tlwaelege kudu.

⁴⁹ Bjale, go be go se gwa tlwaelega ge Josefa, pele ga tswalo, ge a hweditše Maria; moratiwa wa gagwe yo monnyane wa go ratega yo a bego a mmeeditše, go mo nyala. O mo hweditše, o be a yo ba mme, ka ntle le go nyalwa. Kafao yena, ga go pelaelo, o be a mmoditše ka ga ketelo ya—ya Gabariele, Morongwa. Gomme Josefa o be a le motho wa moloki. O be a le motho wa go loka. Gomme o be a le—o be a le. O nyakile go mo dumela. Ke kgona go eiletša gore o mo ratile ka pelo ya gagwe yohle, a bona mothepana yola yo moswa wa Mohebere, gomme—gomme o lebeletše ka mahlong a gagwe, le—le ge a tla re, “Josefa, morategi. Morongwa yo mogolo, Gabariele, o nketetše, gomme O rile ke tla ‘ukamelwa ke Moya wo Mokgethwa.’ Gomme Selo se Sekgethwa seo se tla tswalwago ka go nna, se tla ba . . . go tšwa go nna, se tla bitšwa ‘Morwa wa Modimo.’”

⁵⁰ Bjale, o nyakile go dumela seo. Eupša ga se nke gwa ke gwa ba e ka ba eng e diregilego boka yeo, kafao go be go se gwa tlwaelega kudu. Gomme, lebelelang, fale go be go le motho wa moloki, motho wa go loka, gomme Lengwalo le tleleima go go tla ba, “kgarebe e tla ima,” gomme ga se a kwešiša. Le a bona? Lengwalo leo le boletšego gore Kriste o tla tswalwa ka tsela yeo,

go le bjalo, Josefa ga se a kgone go le kwešiša, gobane go be go se gwa tlwaelega kudu.

⁵¹ Bjale ka go ona matšatši, ga se ba be le baprofeta. Monna o be a . . . Ga se ba be le baprofeta lebaka la makgolo a mengwaga, gomme kafao Modimo o šomile le yena ka toro. Toro e be e le tsela ya fasana. Tsela ya maleba ka mehla ke go Lentšu, pele. Bjale, Modimo o ne tsela ya go netefatša ge eba Lentšu la Gagwe le nepile, goba aowa. Goba moo go be go na le e ka ba eng . . .

⁵² Ka go Testamente ya Kgale, Arone o bile le matlapa a lesomepedi, matlapa a tswalo, go sephemafega sa gagwe fa. Gomme ba se lekeleditše mo koteng ka tempeleng. Ge moprofeta a profetile, goba molori a boletše toro, ba ba tšeetše tlase go se, se se bitšwago, bjalo ka ge badiredi ba tla se tseba, Urim Thummim. Gomme kafao, se, ge molori yo a boletše toro ya gagwe, goba moprofeta a boletše seprofeto sa gagwe, gomme dietša tša kagodimogatlhago tša se benye godimo ga seo, go dira Urim Thummim, gona, ga ke tshwenyege go kwagetše kgothe gakaakang, e be e le phošo. Urim Thummim e be e swanetše go e hlatsela e be e nepile. Gabotse, seo, bjale, boprista bja Arone, bo fedišitšwe, le Urim Thummim ya kgale.

⁵³ Eupša Modimo o sa ne Urim Thummim, gomme seo ke Lentšu. Ge—ge moprofeta a profeta, goba molori a lora toro, gomme e le kgahlanong le Lentšu lela, ga ke tshwenyege go kwagetše kgonthe gakaakang, e le bale. Yeo ke Urim Thummim ya Modimo. Yeo ke yona. Gomme Yeo e swanetše go arabela morago, go ba therešo. Gomme yeo ke Modimo a hlatholla Lentšu la Gagwe Mong.

⁵⁴ Kafao, Modimo ga se a be le baprofeta ka nageng, mo letšatšing leo, kafao Modimo o boletše le Josefa ka tsela ya fasana. Go laetša, gore, ge go se na e ka ba eng bjale seo se ka e tlišago pele, Modimo o kgona go šoma ka e ba ba eng, e ka ba eng yeo A e tshepišitšego. Le a bona? O kgona go šoma toro. Ge go be go se moprofeta, gona O kgonne go šoma toro.

⁵⁵ Kafao ga go tshwenyege se dimpho tša rena tše dinnyane di lego, Modimo a ka bolela go rena ka tsela e ka ba efe A nyakago, eupša go swanetše go ba le Lentšu. Le a bona? Go swanetše go ba go ya ka Lentšu.

⁵⁶ Bjale, re hwetša gore toro ya gagwe e be e le go ya ka Lentšu, ka gobane Jesaya o rile, “Kgarebe e tla ima.” Gomme go bile, toro ya gagwe, e be e le go ya ka Lentšu, gomme yo e be e le yena a bego a imile. Gomme gona ge mo—mo Moya wa Morena, Morongwa wa Morena, a bonagetše go yena, ka torong ye, gomme o rile, “Josefa, wena morwa wa Dafida, se boife go tšea Maria mosadi wa gago, gobane seo se se imilwego ka go yena ke sa Moya wo Mokgethwa.” Gabotse, seo se e feditše nako yeo.

⁵⁷ O be a le motho wa moloki. O nyakile go e dumela. O nyakile go e dumela, eupša go be go se gwa tlwaelega ruri go yena.

58 Gomme ge motho a nyaka go dumela e ka ba eng, gomme—gomme Therešo e le pele ga gagwe, Modimo o tla dira tsela ye e rilego go hlatsetša seo, go netefatša ke Therešo. Modimo o tlamegile go e dira, gobane seo ke se A mo phološeditšego sona, ke bale ba ba hlaoletšwego go Bophelo.

59 Bjale, re hwetša gore seo ke selo sa go se tlwaelege se bilego se—se bilego selo seo—seo ba sa kgonago go se hwetša. Gomme tso go ye e be e se ya tlwaelega.

60 Bona, gomme, efela, ge nkabe ba ile ba e hlokomela, e be e le Lentšu la Gagwe le le tshepišitšwego. O be a ba boditše, o rile, “Morwa wa motho o rotogela Jerusalema, gomme O tla tlaišega ka dilo tše dintši tša Bantle, a gafelwa ka diatleng tša bona le go bapolwa, go bolokwa; gomme o tla tsoga, letšatšing la boraro.” Le a bona? O rile, gape, “Bjalo ka ge Jona a letše mpong ya hlapikgolo, matšatši le mašego a mararo, go bjalo Morwa wa motho o swanetše go ba ka pelong ya lefase, matšatši le mašego a mararo.” Dafida, yo mongwe wa bapofeta ba bona, o profetile, o rile, “Nka se tlogele soulo ya Gagwe ka heleng, ebile Nka se lese Yo Mokgethwa wa Ka go bona go bola.” Le a bona? Gomme bapofeta bohle ba boletše ka Yena.

61 Gomme go bonagetše eke barutiwa ba, efela, go bonagetše nke nkabe ba, nkabe ba e lemogile, gomme nkabe ba tsebile se. Eupša, le a bona, e ile ya utagala go bona. Gomme Lentšu le le tshepišitšwego go bona, gomme efela ga se ba Le lemoga. Le a bona? Le be le phethagaditšwe, tlwa se A rilego se tla direga, se Testamente ya Kgale e rilego se tla direga. Le be le phethagaditšwe ka phethagalo, gomme efela ga se ba e kwešiša.

62 Lemogang, ge ba be ba sepela bjale, ba babedi ba bona, Kleopa le mogwera wa gagwe ba be ba le tseleng ya bona go ya Emause. Gomme e be e le mosong wa Lamorena. Kafao ba be ba le tseleng ya bona godimo fale, ba bolela. Ba be ba sepela mmogo tseleng, ba nyamile ka kgonthe. Nna, ba be ka kgonthe ba išitšwe fase ke se sengwe, go bonetše boka seširo.

63 Gomme Modimo o dumelela dilo boka tšeo go direga. O dira seo, ka morero, feela go—feela go go leka. Bjale anke ke otlolle se pele ga lena, gore le ke le kwešiše, gore morwa yo mongwe le yo mongwe yoo a tlogo go Modimo o swanetše go katišwa wa ngwana. O swanetšwe go lekwa; morwa yo mongwe le yo mongwe. Ge eba o sa nke wa ke wa lekwa, ga o morwa. Ge o sa kgone go emelana le tsholo ya Modimo, gona o hlaba, gomme e sego ngwana wa Modimo. O tleleima Modimo ke Tatago, o re, “Oo, ga ke kgone go dumela.” Gabotse, seo se no laetša gore Modimo ga se Tatago; o a bona, o tla—o tla E hwetša. Bjale lemogang, teko ye, Modimo o leka yo mongwe le yo mongwe wa bana ba Gagwe. Bohle ba ba tlogo go Yena ba swanetše ba lekwe pele, ba lekolwe, ba netefatšwe.

64 Lebelelang Yena ge A be a le fa lefaseng. Letšatši le lengwe O lebeletše go dikologa, mašaba a magolo la batho a be a le le Yena. Oo, ge la mathomo A thomomološa, O be ka kgonthe a ratwa kudu. Dikereke tšohle di butše mejako ya tšona. “Rabi yo moswa yo, gobaneng, ga go pelaelo eupša a Moprofeta yo mogolo a tsogilego magareng ga rena. O fodiša balwetši ba rena. Gobaneng, o tla ka ditirelong tše tša phodišo. O dira dilo tše dikgolo.” Seo se be se le kaone. Eupša letšatši le lengwe go bile le ba bantši kudu ba Mo latelago. Le a bona? Leo e be e le leswao go goga šedi ya batho.

65 Bjale, Segalontšu se swanetše go latela leswao leo. Yeo e bile Thuto ya Gagwe. Hlokomelang. Eupša ge Segalontšu se tlile, oo, go be go fapana. Nna! Bona, ba Mmapotše ka gobane O itirile Yenamong go lekana le Modimo. Ge A be a fodiša balwetši, le go diragatša mehlolo, le go hlatha dikgopolo ka dipelong tša bona, seo se be se makatša. Eupša ge A rile, “Nna le Tate wa Ka re batee,” oo, nna, Seo e bile bontši kudu go bona. Ga se ba kgone go tšea Seo. Le a bona? Bona . . . Seo se be se le bontši kudu.

66 “O itira Yenamong Modimo, kafao O—O leka go lekana le Modimo.”

67 Gabotse, O be a le. O be a le Morwa wa Modimo. Gomme O rile, “Le bitša bona, ba Lentšu le tlilego go bona, molao wa lena o bolela seo, gore, ‘Lentšu le tlile go baprofeta,’ gomme le ba bitša ‘badimo.’ Kagona, ge le kgona go bitša moprofeeta, ‘modimo,’ le kgona bjang go Ntshola ge Ke re Ke nna Morwa wa Modimo? Puruputšang Mangwalo; Ke Ona a le botšago se Ke swanetšego go se dira. Ge Ke sa dire go ya ka se Lentšu le rego Ke swanetše go se dira, gona se Ntumeleng. Eupša ge Ke dira mediro ya Tate wa Ka, e lego Lentšu, gona—gona dumelang mediro yeo Ke e dirago.” Go le bjalo ga se ba kgona go e dira.

68 Kafao, Jesu o boletše, letšatši le lengwe. Bjale šetšang. Ga A hlaloše dilo. O no e bolela. Hlokomelang. O rile, “Ntle le ge le eja nama ya Morwa wa motho, le go nwa Madi a Gagwe, ga le ne Bophelo ka go lena.”

69 A le kgona go eleletša a sehlopha se sekaone sa batho, sehlopha sa dingaka se eme ntle fale, le borabi, ba katišitšwe gabotse le batho ba go rutega gagolo, ba naganne, ge A boletše seo? Oo, ke kgona go eleletša ngaka e lebeletše godimo, a re, “Fše!” Ba—ba badiredi ba emelesa, ba re, “Uh-uh, uh-uh. Le a bona? Seo—seo se e tlišitše ntle, thwi fale.”

70 Bjale, ga se nke A hlaloša Seo. Ga se a E hlaloša. O be a se a swanela go dira. O be a se a swanelwa go E hlaloša.

71 “Gobaneng,” ba rile, “gabotse, gobaneng, O tla re dira . . . O nyaka re be dinwamadi tša batho. Re nwe madi a motho? Le go ja nama ya motho?”

72 Ga se nke A bolele ka fao e tla go dirwa. O no re, “Ntle le ge le e dira!” Le a bona?

⁷³ Gomme kagona lešaba lela ka ntle, diketekete, ba rile, “Huh-uh. Šole Yena. Le a bona? Ya. Ke tsebile e tla tla ntle, morago ga nakwana.” Le a bona, ba be ba e letetše go tla ntle, gomme O bone gore e tšile ntle. Ba be ba le dinwamadi, le go thoma, kafao ga se ba hlwe ba sepela le Yena.

⁷⁴ Kafao, O retologile. O bile le bamasomešupa le Yena. Kafao, O rile go bale bamasomešupa, o rile, “Le tla reng ge le bona Morwa wa motho a rotogela godimo ka Legodimong fao A tšwago gona?” Bjale, ga se nke A e hlaloša.

⁷⁵ Ba lebelelane seng, ba rile, “Gabotse, Morwa wa motho a rotogela godimo fao A tšwago gona? Gabotse, re tseba mme wa Gagwe. Re tseba banešu ba Gagwe, dikgaetšedi tša Gagwe. Re bone legopo A laditšwego ka go lona ge A tswalwa. Re bone thari ye A bego a kobakobetšwa ka go yona. Gobaneng, O tšwa Nasaretha. Go tšwa godimo Kua? Ye ke Polelo ye thata.” Gomme ga se ba hlwe ba sepela le Yena. Le a bona?

⁷⁶ Bjale, nako yohle, barutiwa ba ba eme thwi fale. Ba be ba sa E tsebe, le bona, eupša ba E dumetše. Ga se ba kgona go E hlaloša. Ga se nke A E hlaloša. Eupša, le a bona, ba be ba hlaoletšwe go Bophelo. Ga se ba kgone go E hlaloša, eupša ba dutše fale. Kafao O retologile gomme a re, “Ke kgethile balesomepedi ba lena; yo motee ke diabololo.” O rile, “A le nyaka go tloga, le lena?”

⁷⁷ Gomme fao ke moo Petro a dirilego mantšu a le a segopotšo, “Morena, re kgodile gore Wena o ne Lentšu la Bophelo, o nnoši. Re tla ya kae?” Yeo e be e le yona, le a bona. Le a bona?

⁷⁸ Ga se A E hlaloša. O boletše seo gore ba hlanoge. Le a bona? Tumelo ga e botšiše, ga e fe mabaka. E puruputša Mangwalo bakeng sa yona. Ge nkabe ba ile ba puruputša Lengwalo, fao go ka be go netefaditšwe O be a le Mang. Eupša O ba hlohlorile ka mokgwa wola, ka go bolela dilo gomme a se tsoge a E hlaloša.

⁷⁹ Gomme ka dijarateng fale, ebile, ge ba beile lešela godimo ga sefahlego sa Gagwe, gomme ba bangwe ba Mmetha le go Mo phasola. Ba rile, “Ge—ge O le moprofeta, re botše ke mang a Go bethilego bjale, gomme—gomme re tla—re tla Go dumela.” Solo sa go swana, diabololo wa kgale wa go swana yoo—yoo a bego a le godimo fale, nako ka moka, ge A be a lekwa, ge la mathomo A thomiša ka bodiredi bja Gagwe. O rile, “Ge O le Morwa wa Modimo, laela matlapa a go fetoga borotho.” Wa go swana ka go bona baprisita le borabi godimo fale, o rile, “Ge O le Kriste, fologa Sefapanong gomme o e netefatše go rena.” Le a bona? A ka be a e dirile. O tsebile ke mang a Mmethilego, eupša ga A direle motho motlae.

⁸⁰ O be a a le Lentšu, gomme O sa le Lentšu. Ka mehla a le Lentšu, gomme O dula a le Lentšu. Gomme ba lebelela morago, nkabe ba bone Seo, eupša ga se nke ba.

⁸¹ Ba be . . . ba hlokomelang, mo tseleng godimo, ba be . . . O tee . . . Bona ba dutšego fa, ke nyaka le beeng šedi kudu. Ba be ba bolela ka Yena ge A bonagala go bona.

⁸² Bjale, yeo ke tsela ye A tlogo, ke ge le bolela ka Yena. Bothata, lehono, re bolela bontši kudu ka ga dilo tše dintše ntle le Yena. Ka mehla re bolela ka ga se re swanetšego go se dira, le kwano tsoko ya kgwebo, goba go hlatswa go swanetšego go dirwa, goba mohuta wo wa sešepi o swanetšego go se šomiša. Mola, le swanetše go be le Mo fa tumišo le letago. “Fao ke moo bohwa bja rena bo lego, gape dipelo tša rena di moo.”

⁸³ Ba be ba swanetše go be ba Mo lemogile, eupša ga se nke. Gomme go bjalo le lehono. Efela, Lengwalo le e boletše. Le a bona?

⁸⁴ Yena—Yena o ba utolletše ditshepišo tša Lengwalo mabapi le Yenamong go lebaka leo. Elelwang, O thoma ka mathomong. O rile, “O mašilo le go tšwafa ga pelo.” O ba hlalošeditše Mangwalo. Gomme morago ga ge Mangwalo a reretšwe bona, efela ga se ba Mo lemoga. Ge yeo e se phu—phu phuthego ya sebjalebja, ga ke tsebe. Bona, Mangwalo, ba a hlalošeditšwe, gomme go le bjalo ga se ba e hwetša. Ba be ba sepela mmogo thwi, ba tleleimile go ba barutiwa ba Gagwe. Go le bjalo, ga se nke ba Mo lemoga, morago ga ge A ba boditše Lengwalo go lebaka lela, moo Modimo a beilego.

⁸⁵ O rile, “A ga le tsebe gore Kriste o swanetše go tlaišetšwa dilo tše, le go tsena ka letagong la Gagwe le go tsoga gape?” A k- . . . Ba ka be ba tsebile se. O rile, “A ga le tsebe tšohle baprofeta ba boletše ka ga Kriste?” Gomme O thomile morago fale, le go hlaloša selo ka moka tlase go bona, le go e bea fase go bona. Gomme go le bjalo ga se ba nke ba e lemoga, morago ga go bea Lengwalo ntle feela ka phethagalo bjalo ka ge E kgona go ba. Gomme bona ba sepela go E dikologa, ba swanetše go ba barutiwa ba Gagwe, “Aa, oo, a Go bjalo? A Go bjalo?” Gomme, efela, O be a le Lengwalo lela le phethagaditšwe, a eme fale, gomme go le bjalo ga se ba e hwetše. Le a bona?

⁸⁶ Bjalo seo e no ba seswantšho se sebotse sa letšatši le re phelago. Ga ke bolele seo gampe. Ke bolela seo bakeng sa Therešo. Yeo ke therešo tlwa.

⁸⁷ Go le bjalo ga se ba Mo lemoga, le ge ditshepišo tša Gagwe tšeo A di dirilego di phethagaditšwe. Gomme O be a kwalakwatša go bona, gomme a eme thwi fale ka go Motho, gomme go le bjalo ga se nke ba E lemoga.

⁸⁸ Lemogang kgalemo go bona bakeng sa go se lemoge Lengwalo le phethagaditšwe.

⁸⁹ Bjale, ge, ba be ba swanetše go be ba tsebile. Ba be ba le barutiwa. Ba be ba le banna ba ba dirilego boikgafu bjo bogolo. Ba be ba le banna ba ba Mo ratilego. Ba be ba le banna ba ba katišitšwego ke Yena. Gomme, efela, morago ga ge A ba boditše

dilo tše, a ema magareng ga bona le go bolela selo se se tla direga, gomme fa se diregile, gomme, go le bjalo, bona ba eme thwi le Yena morago ga tsogo ya Gagwe, gomme ga se ba Mo lemoga.

⁹⁰ Le re, “A re ka dira selo boka seo?” Go ka kgonega re ka dira seo. Yeo ke nnete. Ka kgonthe e ka kgonagala. Morago ga ge A tshepišitše Lentšung la Gagwe, selo seo A bego a eya go se dira, gomme re se bona se direga feela bjalo ka ge A boletše, gomme go le bjalo re a e tshela. Seo ke se ba se dirilego.

⁹¹ Bjale, O tla thwi tikologong, go ba botša O be a eya go bapolwa, a tsoga letšatšing la boraro, gomme a thoma go ba botša tšohle ka yona.

⁹² Gomme ba be ba nyamile, ba rile, “O a tseba, ba bangwe ba baisa ba ile tlase lebitleng, le ba bangwe ba basadi. Ba rile O tla tsoga bahung. Mabarebare a ohle a huduilwe gohle.” Gomme ba rile, “A O no ba moeti tikologong fa? Ga O tsebe dilo tša?”

⁹³ O rile, “Dilo dife?” feela o ka re O be a sa tsebe selo ka yona. Le a bona, O boletše seo, feela go ba lahla. Gomme O dirile seo, ka morero, feela go leka.

⁹⁴ Gomme a ga le tsebe ga A fetole tlhago ya Gagwe? O dira selo sa go swana, feela go—go le leka, go bona le tla dira eng. O tla dira ka tsela ye nngwe, E tla lahllelwa pele ga lena, gomme feela go bona se le—se le se bolelago ka Yona, mokgwatebelelo wa lena, ka tsela ye le tšeago, se le naganago ka Yona. O dira seo, ka morero, go e dira le bjale, ka gobane yeo ke tlhago ya Gagwe ya go se fetoge. O e dirile dinakong tša kgale.

⁹⁵ Elelwang Eliya. Ebile o bile le lešole go mo phasola. O rile, “Ke be ke le tlhodi, ke eme hleng le. . . go Ahaba, gomme ke lesitše mogolegwa go tšhaba.” Ga se a dira seo, eupša o e dirile ka mokgwa wola gore a kgone go dira Ahaba go bolela kahlolo ya gagwe mong.

⁹⁶ Dirile selo sa go swana mo matšatšing a Noage, gomme ga A—A kgone go fetola tsela ya Gagwe. Gomme Modimo o theogela fase ka mokgwa. Eupša ka mehla. . .

⁹⁷ Le re, “Gabotse, ke tla tseba bjang se e bego e le sa maleba le sa phošo?” Ke Lengwalo la tshepišo go iri yela. Ke Lengwalo leo le tshepišitšwego.

⁹⁸ Ge nkabe ba ile ba tšwa ka ntle ga motlwae wa bona, le go ya kgole le motlwae wola ba bego ba le ka go ona, gomme ba bala Mangwalo, boka A ba boditše go dira! “Puruputšang Mangwalo, gobane ka go Ona le nagona le ne Bophelo bjo Bosafelego, gomme ke Ona a pakago ka Nna. A le botša Yo ke lego Yena.”

⁹⁹ Gomme ba rile, “Gabotse, bjale, rabi o re boditše se le seo. Rena, re dumela se kereke e se bolelago.” Le a bona?

¹⁰⁰ Ga se se kereke e se bolelago. Ke se Modimo a se boletšego. Se Modimo a se boletšeg, e sego se kereke ya leina e se bolelago, goba

seo. Le dumela Modimo. Bjale, gomme ke moo ba paletšwego, ka gobane ba be le motlwae kudu gore ba paletšwe go E lemoga.

¹⁰¹ Bjale re hwetša, gona, O rile. . . O ba kgalemile, šetšang: “Mašilo le go tšwafa ga pelo go kwešiša maswao ohle a Lengwalo le dilo di swanetšego go be di diragetše tša lebaka le. Mašilo, go tšwafa go kwešiša tšohle tšeo baprofeta ba di boletšego tšeo di swanetšego go direga letšatšing le, maswao a ohle ao le a bonago. Beibele e rile maswao a a be a tla direga mo letšatšing le, gomme le a bona a direga, gomme morago a le šilofetše go lekanela go se e dumele?” Gomme Yena a bolela thwi le bona, gomme efela ga se ba e lemoga. Bolelang ka sefofu!

¹⁰² A re ka dira seo? Go ka direga re ka dira, ge re sa puruputše Mangwalo, go hwetša ke iri efe re phelago ka go yona, go bona ke iri efe, ke eng, bjang. Go ka no ba thari go feta se re naganago ke sona.

¹⁰³ Efela, ba tleimile go ba barutiwa ba Gagwe. Ba tleimile go dumela gore ba dumetše Lentšu le lengwe le le lengwe leo A le—A le boletšego. Ba dumetše Beibele yohle. Gomme fa go be go le—fa go be go le Mesia, Modimo wa Beibele, a eme fale ka boitsebišo, a tsebagatša lona Lentšu le le ngwadilwego. Gomme ba be ba swanetše go ba badumedi ba Lentšu lela. Gomme Yena a šupetša morago, le go ba botša, gore, “Le gopola se se boletšwego ka ga se; le se se boletšwego ka ga se; le ka fao Jesu a swanetšego go dira se; goba ka fao kri—kri Kriste a swanetšego go dira se; gomme gona go bjang dilo tše tšohle?” Gomme efela ga se ba E tseba. Ba be ba sa tsebe. E be e le eng? Ba tsebile Lentšu, bogkole bjo leletere le bego le le, eupša ga se ba kwešiša Lentšu ge ka sebelebele Le hlathollwa.

¹⁰⁴ Seo ke se e lego sona lehono. Motho yo mongwe le yo mongwe o na le tlhathollo ya gagwe mong. Mola, Modimo o sola selo ka moka. Modimo o dira tlhathollo ya Gagwe mong. Ge Modimo a rile O tla dira selo; ge A se dira, yeo ke tlhathollo ya sona. Modimo o hlatholla Lentšu la Gagwe Mong.

O be a le fale, a eme fale, mohlatholli wa Gagwe Mong.

¹⁰⁵ Haleluya! O a swana maabane, lehono, le go ya go ile. O dira tlhathollo ya Gagwe Mong. Ga go hlokege seminari ye e itšego, goba badiredi ba rilego, nna, wena, goba yo mongwe gape, go Mo hlatholla. O e tshepišitše, gomme gona O a retologa le go e dira. Seo se a e ruma. Seo se a itlhatholla sonamong.

¹⁰⁶ Kafao šole O eme, yo mogolo, Mofenyi yo mogolo wa mokomane wo mongwe le wo mongwe, bolwetši bjo bongwe le bjo bongwe, lehu, hele, lebitla. Le go tsoga gape, se ba se dumetšego nako yohle. Gomme šole O eme, eupša ga se ba kgone go e dumela. Gomme Yena a šupetša morago go Yenamong nako yohle, O rile go bona, “Gomme go thoma ka Moshe le baprofeta, O ba hlatholletše dilo tšohle tše di ngwadilwego mabapi le

Yenamong,” gomme go le bjalo ga se ba e hwetša. Go no lebega eke ba no se kgone go e hwetša. Yeo ke phetho.

¹⁰⁷ Go swana bjale. Bothata ke eng, lehono, lebaka la yona? Re matasatasa go ithuteng dithutotumelo tša rena. Re matasatasa kudu ka mananeo a rena—a rena a dikereke tša leina. Re matasatasa kudu ka dilalelo tša sopo le llotho ka kerekeng. Re matasatasa kudu ka disosaete tša thušo tša bahumagadi. Re matasatasa kudu ka mananeo a rena a TV le ditšiebadimo tšohle tše dingwe tše. Re matasatasa kudu go puruputša Mangwalo, go hwetša ge eba A nepile goba aowa.

¹⁰⁸ O ile tlase resturenteng gomme wa otara sekotlolo sa sopo, gomme e bile le segokgo ka gare ga yona, o tla sua resturente. O ka se e tsenye ka go wena bakeng sa lefeela, le segokgo ka gare ga yona, gobane o boifa e ka bolaya mmele wo monnyane wo.

¹⁰⁹ Eupša o tla fologetša e ka ba eng go theogela soulo yela, feela e ka ba eng, mohuta e ka ba ofe wa thutotumelo, gomme wa se tsoge wa lebelela ka go yona, go bona ge eba ke selo sa maleba goba aowa. “Go ne tsela ye e bonalago go loka go motho.” Puruputšang Mangwalo. Gomme soulo yela ke ya Gosafelego, le a tseba. Kafao, le se ke. Nno šetšang se le se tsenyago ka fale, le a bona, dithutotumelo tše le dilo tšohle tše. Re no ba le yona bjalo ka lotše, nno tšoenana lotše gomme seo se a e ruma. Gomme yeo ke tsela ye batho ba naganago lehono. Ke ka lebaka leo: Ga ba ne nako go bala, go nagantšhiša, go puruputša dilo, le go leka go hwetša ge eba ba nepile goba aowa.

¹¹⁰ Anke Kriste Yenamong a E hlatholle. Gomme ge E direga, se A se boletšwego, gona yeo ke Therešo. Lebelelang le bone ge e le ya letšatši le.

¹¹¹ Bjalo ka ge ke šupeditše bošegong bja go feta, Moshe o be a ka se kgone go tla ka molaetša wa Noage. Ebile le Jesu ga se a kgone go tla ka—ka molaetša wa Moshe. Le a bona? Go be go le bjalo, go be go beetšwe go nako ye nngwe le ye nngwe.

¹¹² Bjale, ga se re kgone go tla ka molaetša wa Luther, le ka wa Wesley, le ka molaetša wa Pentecostal. Re kgole ka godimo ga woo.

¹¹³ Le re, “Oo, seo ke se sengwe o se . . .” Gabotse, kereke ya Katoliki le yona e naganne Luther o be a ithomela. Wesley le yena o naganne gore ba be . . . Malutheran ba naganne gore Wesley o be a ithomela. Wesley le yena o naganne gore Pentecost e be e ithomela.

¹¹⁴ Eupša selo sa yona ke, lebelelang morago ka Mangwalong. Go a tsebagatša, lebaka le lengwe le le lengwe. Gomme ge dilo tšeo A di dirago bjale di sa Mo tsebagatše, ditshepišo tša Modimo, gona e tlogele e nnoši. Eupša ge A re e tla direga, gomme ya direga, gona dumelang gore ga se motho. Ke Modimo a bolelago, a dira tlhathollo ya Gagwe Mong ya Lentšu la Gagwe.

115 “Mašilo le go tšwafa ga pelo go dumela tšohle baprofeta ba di boletšego ka ga Kriste.” Efela, barutiwa ba Gagwe ga se ba kgone go dumela Lentšu le le ngwadilwego, ka gobane ba be ba le matasatasa ka, oo, gabotse, ba be ba nyamile ka yona.

116 Efela, ba a tleleima ba a dumela, lehono, gore O tsogile letšatšing la boraro. Re bolela ka yona, “Oo, re a dumela gore O tsogile, letšatšing la boraro, gore O a phela neng le neng.” Gomme anke A no dira se sengwe boka A tshepišitše go dira, lebelelang se ba se bolelago, “Gabotse, e ka ba sehlopha sa bapshikologibakgethwa, goba go bala monagano, goba ke mohuta wa go bolelelamahlatse. Goba. . .” Feela boka ba dirile nakong yela. Le a bona, ke moya wola wa go swana. Bjale, elelwang, diabolo o tšea motho wa gagwe eupša e sego moya wa gagwe, moya wo o bego o le go bona banna morago fale, barutiši ba bodumedi.

117 Elelwang, ga go yo a bego a kgona go ka bea monwana kgahlanong le Bafarasei bale. Ba be ba swanetše go phela gabotse. Ba be ba ka kgatlwa go iša lehung ge ba be ba se. Ba be ba le ba bakaone, banna ba bakaone, barutiši ba go rutega kudu, dirutegi. Gomme Jesu o rile, “Le sehlopha sa dinoga. Le dira mediro ya tataweno.” Gobaneng, gobaneng Motho a ka, Modimo, a tsoge a dira tlhathollo go motho wa mohuta wola? O kgonne bjang go tsoge a bolela selo boka seo? Ka gobane ba ganne go bona Lentšu le le tsebagaditšwego le bonagaditšwe.

118 Bjale, lehono, re tlile, dinakong tše dintši re rile, ma—ma Malutheran ba rile, “Ge o dumela go Morena Jesu Kriste, o na le Yona. Yeo ke phetho.” Manazarene, le Pilgrim Holiness, le Mafree Methodist, ba rile, “Aowa, o swanetše go goelega, go E hwetša.” Mapentecostal ba re, “O swanetše go bolela ka maleme, go E hwetša.” Yohle ya yona e fošagetše.

119 Ke bone dingakabaloi ba bolela ka maleme, le baloi. ke ba bone ba taboga le go goelega, gomme ke bone Bomohammedan ba kitimiša magare ka tlase ga menwana ya bona, gomme ba goelega godimodimo go feta nkile ka kwa Mapentecostal bophelong bja ka.

120 Eupša, efela, go dumela go lokile, go bolela ka maleme go lokile, le go goelega go lokile, le go hlalala. Eupša seo ga se Yona, go le bjalo.

121 Bona Bafaresei, ba bangwe ba bona ba rile, “Gabotse, ke kenywa ya Moya, yeo e lokile.” Bona Bafaresei ba bile le bontši bja kenywa ya Moya, se re se bitšago kenywa ya Moya, go feta ba kgonne, re ka tsoge ra kgona go tšweletša.

122 Ke mang le tla rego, ge ke be ke eya go Mmea tshekong bjale, go bolela boka moisa yo moswa a etla ka toropongkgolo fa letšatši le lengwe gomme a ipitša moprofeta Yenamong? Anke re Mmeyer mo tshekong bakeng sa motsotso. Gomme bjale ke bolela le lena batho, kgahlanong le Yena; Modimo a ntshwarele

go boleleng selo se sebjalo, eupša go no dira ntlha. Gomme ke re, “Moisa yo moswa yo, O tikologong ntle fa. O ipitša moprofeta Yenamong. O tšwa Galelia. O dira bontši bja phodišo le dilo, eupša seo ga se re selo. Lebelelang godimo fa, re ne bodiba bja Bethesta. Bagolofadi ba lala fale, ge yola Morongwa a theogela fase le go hudua meetse, mang kapa mang o tsena ka gare. Gobaneng Modimo a ka nyaka se seng gape ntle le seo?” Le a bona, ba šitwa go lemoga Lentšu la letšatši leo. Tshepišo e be e le komana go phethagatšwa.

¹²³ Bjale ba re, “Re tla Mo ahlola ka kenywa ya Moya. Bjale, lebelelang, ke mang a bego a eme kgauswi? E bile mang, ge o be o kitima mo gohle, bjalo ka lesogana, o beile nako ya gagwe yohle go ithuta Lentšu la Jehofa? Mopriska wa gago wa go tšofala wa bomodimo. E bile mang, ge papa le mama ba le kgauswi le go arogana, ba beile matsogo a bona go dikologa o tee, le yo motee go dikologa yo mongwe, gomme a ba bušetša morago mmogo? Mopriska wa gago wa go tšofala wa bomodimo. Nnete. E bile mang, ge dibjalwa tša tatago di šitilwe, gomme ga se a be le tšhelete, ga se o be le selo go ja; e bile mang a ngwadilego tšheke le go mo fa tšhelete, goba go mo kuketša mošola? Mopriska yola wa go tšofala wa bomodimo. E bile mang a emego hleng le mme le papa wa gago, ge o be o belegwa, ge la mathomo o etla lefaseng le? Mopriska yola wa go tšofala wa bomodimo. E bile mang a go kukilego ka matsogong le go g bolotša, letšatšing la seswai, le go go neela, bophelo, go Modimo? Mopriska wa go tšofala wa bomodimo.

¹²⁴ “Gomme gona, lebelela, go ne borakgwebo fa ka toropongkolo ya rena. Jehofa o nyaka kwana. Borakgwebo ba ke banna ba thekišo. Ba a rekiša, ba bapatša, kafao ga ba swanela go—ga ba swanela, go rua dikwana. Kafao moprista o dirile tsela gore ba kgone go hlwekiša soulo ya bona, go ya ka Lentšu la Modimo, gomme ba agile dihoko tše dinnyane ntle fale ka dikgorong. Gomme ba tlišitše monna yo a rekišetšego di—di dikwana, ka fa, gomme a dumelela monna ba ba nyakago go neela moneelo wa sebe bakeng sa soulo ya bona, senyakwa sa Jehofa, ge ba eya go reka kwana ye.

¹²⁵ “Gona Mothaka yo o dirile eng ge A fihla fale? O phethotše ditafola tša tšhelete, le go ba betha go tšwa fale, a leka go šitiša motho go dira soulo ya gagwe e loke le Modimo. Gomme O rileng ka moprista yola wa kgale wa bomodimo wa gago? ‘Ba be ba le sehlopha sa dinoga, le ba diabololo.’” Bolelang ka kenywa ya Moya? Ba Mo phadile, ka ditsela tše telele.

¹²⁶ Eupša bohlatse bja modumedi ke eng? Yoo a tlogo—a tlogo dumela Lentšu le le tsebagadišwego la iri. Ka mehla go bile ka tsela yeo. Batho ba E phumphantše, ka go mehuta yohle ya metlwae, le mabodumedi, le dikereke tša maina, le dithuto, le go ya pele. Eupša Modimo o tla go bapa, ka Lentšu la Gagwe, le go E tlišetša bakeng sa iri. Bjo ke bohlatse.

127 Lebelelang go Yena gomme le bone. O rile, “Ge Ke sa dire mediro ya Tate wa Ka, se Ntumeleng. Puruputšang Mangwalo, ka go Ona le nagana le ne Bophelo bjo Bosafelego; A paka Yo Ke lego. Gomme ge Ke sa dire se Lengwalo le rego Ke tla se dira, gona le se Ntumeleng.” Le a bona? Gomme go le bjalo ga se ba e tseba. Gomme ka morago ga go sepela le Yena, gomme fa a itsebagatša Yenamong morago ka morago ga tsogo, le go bontšha gore, gore e be e le Yena, ka Mangwalo.

128 Go le bjalo, le a tseba, lehono, ka morago ga seo, Jesu o tsogile bahung gomme o bonagetše go batho mo matsatšing a mafelelo.

129 Ge, ba rile, mengwang ya go feta, ge sehlopha sa Pentecostal la mathomo se thoma, “Go be go se selo se sebjalo bjalo ka seo.” Ke kereke ya go gola ka lebelo ka lefaseng, Pentecostal. Ke molaetša wo ba bilego le ona bjale bakeng sa mengwaga ye masometlhano. Ba rile, “E ka se kgone go dirwa,” eupša e dirilwe, go le bjalo. Ba rile, “Go be go se selo se sebjalo bjalo ka Moya wo Mokgethwa.” Batho ba ile pele, ba O amogetše, feela go swana. Modimo O tshepišitše o tla tšhollela Moya wa Gagwe ntle. O ya go e thibela bjang, ge A tshepišitše O tla e dira? Ba rile, “Ga go yo a tla e dumelago,” eupša ba e dumetše.

130 “Modimo o a kgona ka matlapa a go tsošetša Abraham bana, ba ba tlogo dumela Lentšu la Gagwe.”

131 Ba ile pele thwi. Ba bile kereke ye maatla kudu e lego ka nageng. Sunday Visitor ya rena, Catholic Visitor, e beile ntle, e boletše e se kgale botelele, gore, “Kereke ya Pentecostal ke kereke ye e golago ka lebelo go mekgatlo yohle.” E rile, “Kereke ya bona e hlatseditše ditshokologo tše milione mo ngwageng wa go feta, gomme Pentecostal e bile le dikete tše makgolotlhano ngwaga wa go feta.” Seo ga se akaretše ya ka, Roberts, le tšona dikopano boka tseo. Le a bona? E no ba bale ba ba tlišitšwego bjalo ka—bjalo ka boleloko. Ba bangwe ba bona, ga ba tsebe mo ba yago, ka go dikopano tše tša boebangedi. Eupša ba ngwadišitše basokologi ba milione dikete tše makgolotlhano ka ngwaga, e hlatseditšwe ke kereke ya Katoliki. Le a bona?

132 Ba rile e ka se kgone go dirwa, gomme bjale Mapresbyterian, Mamethodist, le Mabaptist, ba E nyaka. Gomme Mapestecostal ba fofetše go lekanela go se bone iri. A ga le tsebe? Ka go leta gola ga go šupa, ge dikgarebe tša go robala di rile, “Etlang, re feng ye nngwe ya Oli ya lena.” Gomme ge a, ba rile, “Re no ba le go lekanela renabeng.” Gomme ge ba be ba leka go E reka, Monyadi a tla, gomme ba tsene. Ke rena bao. Le a bona?

133 “Gomme mašilo (A A ka bolela gape?) go tšwafa ga pelo go dumela tšohle Mangwalo a di bolelago ka letšatši le; go dumela gore lebaka le la kereke la Laodikia, gore O beetšwe ka ntle ga kereke, le ka gobane, ‘Re humile, ga re hloke selo.’”

134 “Gobaneng, re o mongwe wa mekgatlo ya go huma kudu lefaseng, mosepelo wa Pentecostal.” Oo, nna! Re be re tlwaetše

go ba tlase ka mekgotheng, eupša, ngwanešu, bjale o ntle ka mmileng wa ka pele bjale, dikereke tše dibotsebotse, le diseminari tše dibotsebotse. Gomme re aga ye nngwe, ya ditolara tše milione tše masomethano, thwi fa bjale, le a bona, le mehuta yohle ya dilo dikgolo. Go huma!

¹³⁵ Eupša ke nako yeo le lebalago tshepišo. Le thomiša go leba motlwaeng. Gomme ke lebaka leo, ge A etla go itsebagatša Yenamong, batho ba hwile bogompane go felela, ka thuto ya bona le filosofi le dilo. Ba retolletše me—me Melao ya Modimo go motlwae. O a ema le go bolela le bona, gomme ba no, ga ba ye le gannyane; E a bowa. Bjale, ge E etla e phatsimišitše kudu, ge mopišopo tsoko goba yo mongwe a tliša se sengwe boka seo, gabotse, ba—ba tla se amogela. Eupša, le a bona, ga se nke Ya ke ya tla ka tsela yeo. Ge mokgatlo tsoko o ohleka E ela, go tla loka, eupša ga se nke A ke a dira seo. Ga se nke A dire.

¹³⁶ Ge nkabe A tle le Kayafa, gomme Kayafa a rile, “Bjale, ke nna Mesia. Ke nna yena yo a swanetšego go tla bjale.” Le a bona, ba tla re, “Oo, tate yo mogolo yo mokgethwa, ke wena Mesia.” Eupša, le a bona, seo ga se tsebagatše Mesia. Ditokelo tša gagwe—gagwe tša bodumedi, tšeo ga se di mo dire Mesia.

O be a le leswao le Beibele e rilego le tla Mo dira Mesia.

¹³⁷ Leo ke le le lego lehono. E sego dikereke tša rena tša maina, e sego dithutotumelo tša rena, eupša se GO RIALO MORENA e lego. Bjale hlokomelang.

¹³⁸ Sa go swana bjale, re itliša renabeng tseleng ya go swana, go le bjalo re sa dumela dithutotumelo, kereke ya leina, le thuto ya lefase, le go ya pele. Gobaneng, le a tseba, boati bja dikereke tša rena di thoma go amogela kgopolo gore pele moromiwa a ka ya tšhemong, gomme ba swanetše go lekola monagano wa gagwe ke ramenagano, go bona ge eba IQ ya bona e godimo go lekanela go ba moromiwa. Bjale, seo ke kgahlanong le Lengwalo.

¹³⁹ Beibele e rile Petro o be a le motho wa go hloka tsebo le go se rutege. Ebile ga se a kgone go saena leina la gagwe mong. Eupša go kgahlile Modimo go mo fa dikgonyo tša Mmušo, ka gobane o bone Mesia gomme o tsebile bohlatse bja Gagwe, gomme o wetše maotong a Gagwe gomme o Mo lemogile bjalo ka Mesia. O dumetše Lentšu. “Gomme wena o Petro. Ke re go wena, wena o Petro, gomme godimo ga leswika le Ke tla aga Kereke ya Ka.” E sego godimo ga Petro, e sego godimo ga Jesu, eupša godimo ga kutollo ya semoya ya Yo a bego A le.

¹⁴⁰ Selo sa go swana O dirile Abele. “Abele ka tumelo o neetše Modimo sehlabelo se sekaonekaone go phala sa Kaine.” Bobedi bja bašemane ba neetše. Bobedi bja bašemane ba rapetše. Bobedi bja bašemane ba agile aletara. Bobedi bja bašemane ba khunametše Modimo wa go swana. Le a bona? O tee o ile a amogelwa, yo mongwe o gannwe. Ka gobane, ka kutollo, Abele o bone go be go se dikenywa goba diapola tšeo di re ntšheditšhego

ka ntle ga Edene. E bile madi. Gomme o neetše madi, gomme Modimo o se amogetše.

141 Gomme lebelelang—lebelelang godimo ka Moaba, mokgatlo wo mogolo. Modimo wa go swana! Fale go tšile Bileama, pišopo, ntle, o agile dialetara tše šupago feela boka Israele e bile tlase kua. A bea dihlabelo tša go hlweka tše šupago, dipowana, le dikgapa tše šupago, di bolela ka go Tla ga Kriste. Motheong, ba be bobedi ba nepile. Eupša lebelelang tlase fa go sehlopha se sennyane se sa magwaragwara se phapharegago gohle, ebile ba ka se putle go kgabola fase. Modiša wa gagwe o a boifa ba tla ba le mohuta tsoko wa tsošetšo godimo fale, kafao ba ka se ba dumelele go ya go kgabola. Mo tseleng ya bona go ya nageng ya tshepišo, le bona, gomme ga se a dumelela ngwanabo, Israele, go feta go kgabola. Nnete. O . . .

142 Se Bileama a šitilwego go se bona e be e le Leswika lela le iteilwego le sephente yela ya mphiri, mogobo wa Kgoši ka kampeng. Ba šitilwe go bona boitsebišo bjola bja Modimo magareng ga bona. Bobedi bja bona ba bile le baprofeta; Bileama godimo fale, le Moshe tlase fa. Eupša Moshe o be a tswalane le Lentšu lela. Yeo ke phapano. Bobedi bareri ba bagolo, eupša monna yo o be a tswalane le Lentšu. O be a le yo maatla, wa setšhaba, bjalo ka ge yola a bile. Eupša o be a tswalane le Lentšu, gomme o bile le bohlatse bja Lona. Amene.

143 Seo ke sehlopha sa go dumela: Kriste a na le rena; Kriste ka go rena. “Nakwana ye nnyane gomme lefase se ka se sa Mpona gape; efela le tla Mpona, gobane Ke tla ba le lena, ebile le ka go lena, go fihla bofelong bja lefase.” Hlokomelang.

144 Bjale elelwang, ka pela. Ba šitilwe go e bona. Aowa, ga se ba e kwešiša, ka fao e ka bago. Gomme Lentšu la tshepišo le be le le la lebaka la bona. O be a le tshepišo yela e phethagaditšwe, gomme efela ba šitwa go e bona, leswao la kgonthe la moprofeta wa therešo. Hlokomelang se A se dirilego. Gomme bona, bjale hlokomelang, ba ile . . . Ka pela . . .

145 O rile, “Wena, go beng moeng, gomme o sa tsebe Jesu yola wa Nasaretha, Moprofeta ka nnete, yo maatla pele ga Modimo le batho? Re a dumela le go tseba O be a le Moprofeta.” Mo šetšeng, ka pela ge ba se no Mo lemoga . . .

146 O ile pele a botšiša, “Eng, dilo tšela tšeo di ilego pele? Eng, go diregile eng?”

147 O rile, “Jesu wa Nasaretha, Moprofeta, yo maatla pele ga Modimo le motho. Gomme re be re dumetše O tla ba Yena Yo a tla tlišago phologo go Israele.”

148 Gomme ka pela ge ba se no Mo tsebiša bjalo ka Moprofeta, šetšang, ka bjako O ile go Lentšu. Le—leswao la therešo la moprofeta. Moprofeta wa kgonthe o ya go Lentšu, ka mehla, gobane Lentšu la Morena le tla go moprofeta. Le a bona? Gomme o ya go . . . Gomme šetšang se A se dirilego. Ba Mmoditše gore

ba Mo dumetše go ba Moprofeta. Bjale, go swanetše, go loketše moprofeta, go ipapetša Yenamong le Lentšu, amene, gobane Lentšu ka mehla le tla go moprofeta.

¹⁴⁹ Ngak. Davis wa mokgalabje a dutše fa, lebelela; yo, ga ke tsebe ge eba o gona goba aowa. Ke a nagana o tlase fa ka Florida, felotsoko, ba mpoditše. Ngak. Davis, ge eba o gona, ke yena a ntlhomamišitšego ka go kereke ya Missionary Baptist. Re be re fela re ngagišana ka Lengwalo. Gomme o boletše, gore, “Johane Mokolobetši o kolobeditše Jesu, pele. . . Goba, Jesu o kolobeditše Johane, pele, ka gobane Johane ga se nke a ke a kolobetšwa. Gomme o be a rera kolobetšo, gomme ga go yo a bego a ne maloka go mo kolobetša, kafao Jesu o kolobeditše Johane,” o rile, “ge a Mo dumeletše.” Gabotse, ga se ke kgone go hwetša seo go otloga ka monaganong wa ka, ka fao A e dirilego. Ga se ke kgone go dira Lengwalo.

¹⁵⁰ Letšatši le lengwe ge re be re nnoši, gomme Morongwa wa Morena a le gona, O e utolotše go nna.

¹⁵¹ Le a bona, bjale, lebelelang. Jesu o be a le Lentšu; Johane a le moprofeta. Go ne ba babedi ba bagologolo mo lefaseng; Modimo le moprofeta wa Gagwe. Gomme Lentšu e be e le Modimo. Gomme ka mehla go swanetše go Lentšu go tla go moprofeta. Gomme Johane o be a le moprofeta. Gomme fa go tla Lentšu thwi ntle ka meetseng, go moprofeta. Lentšu le tlile go moprofeta, ka meetseng. Amene. Ke ikwela bodumedi. Lentšu ka phethagalo le tla go moprofeta. Gomme šo O be a le, Lentšu sebopegong sa go phela; gomme fa go be go le moprofeta; a eme ka meetseng. Gomme Lentšu le tla go moprofeta. Ke kgona go bona mahlo a bona ge ba kopana seng sa bona.

¹⁵² Johane o lebeletše godimo, o bone magodimo a bulega, leebe lela le theogela tlase boka diphego tša go tuka godimo ga Gagwe. Segalontšu se etšwa go Lona, se re, “Yo ke Morwa moratwa wa ka Yo Ke kgahlegago go dula.”

¹⁵³ Ge Johane a lebeletše, o bone Seetša sela godimo ga Gagwe, e ka ba eng se bego se le. Sa pele, ge a sepelela lešing, o rile, “Bonang Kwana ya Modimo yeo e tlošago sebe sa lefase.”

¹⁵⁴ O be a tshwenyegile ka phethagalo, go dumela ga kgonthe, o rile, “Go ne Yo a emego magareng ga lena, yo dieta tša Gagwe ke sa lokelago go di rwala. O tla le kolobetša ka Moya wo Mokgethwa le Mollo.” O tsebile O be a swanetše go tla mo matšatšing a gagwe, gobane O be a le pulamadibogo ya Gagwe. O rile, “Go ne Yo a lego magareng ga lena bjale, yo le sa Mo tsebego. Eupša ke tla Mo tseba, le lengwe la matšatši a, ge ke bona leswao lela le Mo tsebagatša.”

Nako yeo Jesu o sepeletše ntle, letšatši le lengwe.

¹⁵⁵ O rile, “Kwana ya Modimo šeo yeo e tlošago sebe sa lefase.”

156 Jesu o sepetše, Lentšu, thwi ntle go moprofeta, ka meetseng. Johane o lebeletše godimo go Yena, ka go kokobala. O rile, “Ke hloka go kolobetšwa ke Wena. Gobaneng Wena o etla go nna?”

157 Šetšang se bjale, Lentšu le moprofeta, mmogo. Le a bona, moprofeta o tla swanela go tseba Lentšu, gobane Lentšu le bonagatšwa go moprofeta. Bjale fa go be go le seprofeto sa gagwe se phethagaditšwe, o tla “tsebiša Mesia.” Gomme moprofeta šo le Lentšu, mmogo.

158 Gomme o rile, “Ke hloka go kolobetšwa ke Wena. Gomme gobaneng Wena o etla go nna?”

159 Jesu o mo lebeletše thwi ka sefahlegong, gomme o rile, “Lesa seo go ba bjalo, ka gobane go re swanetše, loketše, go re swanetše, go phethagatša toko yohle.” Gomme ge a Mo kolobeditše, lebelelang, e be e le eng? Jesu o rile, “Bjalo ka moprofeta, o a tseba gore Ke nna Sehlabelo, gomme Sehlabelo se swanetše go hlapišwa pele Se neelwa.” Amene. Amene. Kafao, Lentšu le tla go moprofeta, ka mehla. Go nepile, ee. Gomme o Mo lesitše.

O rile, “Seo ke nnete tlwa.”

160 “Go re swanetše gore re phethagatše toko yohle. Ke nna Sehlabelo. Ke swanetše go hlapišwa. Ke nnete. O swanetše go kolobetšwa. Amene. Eupša lesa seo go ba bjalo, ka gobane go swanetše go wena le Nna, gore re phethagatše toko yohle.” Haleluya!

161 Banna le basadi, go re swanetše bjalo, bjalo ka batho ba Pentecostal ka Molaetša wa Modimo, gore re phethagatše toko yohle, le go dumela go Yena. Go re swanetše gore re phethagatše toko.

162 Hlokomelang, ge, Moprofeta, morago O ile thwi go Lentšu. Ge ba rile, “Jesu wa Nasaretha, Yo a bego a le Moprofeta, yo maatla ka nnete pele ga Modimo le batho.” Nako yeo, ge A be a le Moprofeta, a tsebagaditšwe, gona O ile thwi morago gomme o tšere ona mantšu ao ba tleimilego O be a le. Le se fošeng se. O tšere se ba Mmiditšego go ba, o tšere Lentšu le le ngwadilwego gomme a itsebagatša Yenamong go ba seo, gomme go le bjalo ga se ba e hwetša. Ga se ba kwešiša. Efela, ba Mmiditše Moprofeta; gomme O be a le fa, Moprofeta. Gomme O ile thwi go Lentšu, le go tšea Lentšu le go tsebagatša bodiredi bja Gagwe Mong.

163 Gomme ba rile, “Yeo ke—ke thero ye botse, gabotse. Dipelo tša rena di swele ka gare ga rena.” Yeo e bile yona. Eupša yeo e be e le yona.

164 Ke a makala ge eba re ka dira selo sela sa go swana? Go gwadilwe re tla dira, yeo ke nnete, re tla dira bjalo. Hlokomelang.

165 Oo, a leswao la moprofeta wa therešo, ka mehla thwi ka go lokologa go Lentšu! Le ge, ga se ba kgone go Le kwešiša. O be a le. . . Thuto ya Gagwe e be e le ye kgolo kudu.

166 Gomme, nna, oo, nna, nako yela e ya kae? E ka ba metsotso ye seswai, nako go phatlalala. Hlokomelang. Ga ke kgone go kwešiša moo yona metsotso ye masomennetlhano e yago ka lebelo bjalo.

167 Hlokomelang. Lebelelang mo. Le ge ba se ba kgona go kwešiša, le ge le ka se kgone, eupša hle dirang se ba se dirilego. Ba Mo memile go tsena. Ba rile, “Tsena ka gare. Le—le letšatši le fedile. Tsena ka gare.” Yeo ke yona. Yeo ke yona. Ke nako yeo, gomme nako yeo feela, A ka itirago go tsebja Yenamong, ge le Mo memela ka gare.

168 O re, “Ga ke e kwešiše. Ke e kwele e hlalošwa ke Lentšu, ka fao dilo tše di swanetšego go direga letšatšing le, eupša ga—ga—ga—ga ke kgone go e kwešiša.”

169 Eupša, efela, Mo meme. E re, “Tsena ka gare, Morena Jesu.” Gobaneng o sa dire seo gonabjale, le a bona, “Tsena ka gare”?

170 Bjang, hlokomelang bjale, morago ga ge ba boletše. O dirile o ka re O be a eya go ya pele go feta le go ba tlogela. A ka dira ka tsela yeo go wena. Eupša A ka se ke, ge o ka Mo mema. O rile, o ile, go ya pele, boka O be a sa ya kgolekgole. Gomme ba rile, “Bošegong bjo, letšatši le fedile, bjale O a tla le go dula le rena.”

171 Kafao O retologile, a re, “Go lokile, Ke tla ya ka gare.” Kafao, O tsene ka gare. Bjale, seo ke tabakgolo.

172 Le ge o ka se kwešiše Lentšu; wena, le—le tebile kudu goba se sengwe gape. Ga o Le kwešiše. Bohle le tletše ka dithutotumelo tša go fapana. Gomme yo o boletše sela, gomme yo le yola. Gomme monagano wa gago wa go šokiša, kafao, ga o tsebe o nagane eng. Ke tla go botša o dire eng. Nno dira boka ba dirile. E re, “Tsena ka gare, Morena, gomme o dule le nna feela bošegong bjo. A O tla dira? Nno tsena ka gare gomme o dule le nna bjale.”

173 Gomme ge A tsena ka gare, ba tswalala lemati. Hlokomelang ka fao A e dirilego bjale.

174 Hlokomelang ka fao A itirilego Yenamong go tsebja go bona, ka morago ga ge Lentšu le le rerilwego le sa e dira, Lentšu le le rerilwego le Lentšu le le tsebagadišwego. Gomme ba Mo tleleimile go ba Moprofeta. Gomme ba tleleimile go ba barutiwa ba Gagwe. Gomme O boletše le bona, botelele letšatši lohle, gomme go le bjalo ga se ba e hwetša ka Lentšu le le rerilwego. Aowa, mohlomphegi. Ga se ba e hwetša. Eupša gatee ka gare, gatee ba tsene ka gare, O butše mahlo a bona go Yo A bego a le. O butše mahlo a bona.

175 O e dirile bjang? Ka go dira se sengwe feela boka A dirile pele ga go bapolwa ga Gagwe. O butše mahlo a bona, gomme

ba Mmone a dira se sengwe seo ba Mmonego a se dira, gomme Yena—Yena a nnoši o a se dira.

¹⁷⁶ O fapana le banna bohle ba bangwe. Ge o ka tsoge wa ke wa Mmona, ga—ga. . . Ga go motho a kgonago go dira se A se dirago. Le a bona? Gomme ga ba e dire ka tsela ye A e dirago. Gomme ka mehla O e dirile ka tsela yeo, gomme ga A tsoge a fetoga. Gomme Bahebere 13:8 e nepile, “O a swana maabane, lehono, le go ya go ile.”

¹⁷⁷ Gatee ka gare, gatee A tsene ka gare ga bona, nako yeo O itsebagaditše Yenamong ka go dira se sengwe seo A. . . boka ka mehla A se dirilego.

¹⁷⁸ Sa go swana A se diretšego mosadi mo sedibeng. Hlokomelang. O tlike godimo fale, a le manganga, mosadi wa kgale yo monnyane wa go tsebega gampe. Ka kgonagalo segotlane sa go šokiša se ntšheditšwe ntle mokgotheng, go phela ka tsela e ka ba efeng. Eupša thwi fale ka pelong ya gagwe o bile le peu ye e hlaoletšwegopele e letše fale.

¹⁷⁹ Gomme bona baprista le se sengwe le se sengwe godimo fale, ba bile le—ba bile le thuto, ka—ka kakanyo. [Ga go selo lefelong la theipi—Mor.] . . . le go thoma. O boletše bjalo.

¹⁸⁰ Eupša mosadi yo monnyane yo, bophelo bja gagwe bo be bo phitsilwe gohle. Thwi tlase fa go be go le nthatana ye nnyane ya seetša, eupša tlasetlase go be go le peu e letile. Le a bona? Gomme ka kgonthe bjalo ka ge seetša se kgona go ratha peu yeo e nonnego, e tla phela.

¹⁸¹ Kafao, šo o tla godimo. Mohlomongwe o be a le thari ka mošomo wa gagwe, gomme ga se a kgone go tla godimo le basadi ka moka, go le bjalo. Gomme yena, mohlomongwe mohumagadi yo monnyane wa go bopega, o rwele lebotlelo la gagwe la meetse legetleng la gagwe. Gomme o ile godimo fale le go thoma go le theošetša sedibeng. Gomme o kwele Monna yo a re, “Ntlišetše seno.” O ile pele a bolela le yena.

Gomme O rile, “Sepela o tšee monna wa gago gomme le tle mo.”

¹⁸² Bjale, le a bona, tlase, o tsebile gore leo e be e le leswao la Mesia. O rile go Yena, “Ga ke ne monnamogatša.”

¹⁸³ O rile, “Yeo ke nnete. O bile le ba bahlano. Yo o nago le yena bjale ga se monnamogatša wa gago.”

¹⁸⁴ O rile, “Mohlomphegi, ke a bona gore O moporofeta. Ga se re be le moprofeta lebaka la mengwaga ye makgolo. Ke a bona gore O moporofeta. Bjale, re a tseba gore re lebeletše Kriste, Mesia yo a tloditšwego. Gomme ge A etla, seo e no ba tlwa se A tla bago.”

Bjale lebelelang. O rile, “Ke nna Yena, yoo a bolelago le wena.”

185 Thwi ka toropongkgolo o ile. Ga se a be le tokelo go dira seo, go ya ka melao ya bona. Mosadi wa mohuta woo, monna a ka se mo theetše. Eupša go leka go mo thibela? Boka ntlo ka mollo, mo letšatšing la phefo. A šo o ile. O rile, “Etlang, bonang Monna Yo a mpoditšego dilo tše ke di dirilego. A yo ga se Mesia?”

186 Bjale elelwang, Jesu ga sa nke a ke a e bušetša. Ga se nke a ke A e dira nako ye nngwe ka fale, eupša go thwe toropokgolo ka moka e Mo dumetše ka lebaka la bopaki bja mosadi. Naganang ka yona. Oo, nna!

187 Ge a tsebile tshepišo, se Mesia a tla bago, gomme ge a bone tshepišo e phethagaditšwe, e butše mahlo a gagwe. Le a bona? A be a tswaletšwe ke sebe, eupša ge tshepšo yela. . . O rile, “Seo ke. . . Mesia o tla dira seo ge A etla.”

188 O rile, “Ke nna Yena.” Mahlo a gagwe a bulega. O ne Bophelo bjo Bosafelego ka gobane mahlo a gagwe a bulegile.

189 Mahlo a Petro a bulegile; a Nathaniele. Re boletše ka yona bošegong bja go feta.

190 E dirile eng go mahlo a rena matšatšing a? Tshepišo e phethagaditšwe, a e butše mahlo a rena? Re e bona ka go Mokgethwa Johane 14:12, Bahebere 13:8, Mokgethwa Johane 14:9, gomme re bona ka go Luka 17:27-28, le Mangwalo ohle a ao a tshepišitšwego, Maleaki 4, ohle a ona a phethagaditšwe thwi fa pele ga rena, a e dirile eng go mahlo a rena? Ge e sa a bule, e tla a foufatša Kagosafelego. E bula a mangwe, ya foufatša a mangwe. Le a bona? E bula ona a e. . . matšatši a a mafelelo, se A tshepišitšego go se dira. Se se A se boletšego, O tla se dira, “Go bušetša Tumelo morago.”

191 Oo, batho ba Pentecostal, diprofesa tša Moya wo Mokgethwa wa Modimo, anke Modimo wa Legodimong a bule—bule mahlo a lena go tloga go motlwae, go ya go Modimo yo a phelago, wa tshepišo ya Beibele yo re tleimago go mo dumela, se A rilego O tla se dira. Peu ya segoši ya Abraham, e biditšwego ntle mo matšatšing a mafelelo, gomme Jehofa o tla theogela tlase magareng ga nama ya batho ba Gagwe le go dira tlwa boka A dirile mo matšatšing a Sodoma.

192 A le kwele ditaba bošegong bjo, ka fao gore, ka go yona naga ye, ke lebetše ke barutiši ba bakae bontši, barutiši ba sekolo, ba netefaditšwe go ba mahomoseke. Ditaba tša bošegong bjo. Oo, go bodile go fihla kgwekgweng, se sengwe le se sengwe. Mmušo, ba a tleleima, le baofisiri ba mmušo, e ka ba diphesente tše masomenne tša bona, go netefaditšwe, mahomoseke. Ofisi ya ka e tletše ka mangwalo, mme a lla, ka bašemane ba bona ba phela le bašemane gomme. . . E no ba letšatši le re phelago ka go lona. Se sengwe le se sengwe!

193 Ditšhaba di a thubega. Israele e a phafoga. E ka go nagalegae ya yona. Mohlare wa mogo o a khukhuša.

194 Oh, kereke e robetše ka Laodikia. Gomme Jesu, a leka go hwetša tirišano, gomme ebile ga e kgone go e dira! . . . ? . . . Le a bona? Efela, le ka dilo tšohle tšeo Lengwalo le di bolelago, kereke e pompetše kgole thwi, ka go bolao bja bolefase.

195 Oo, kereke, ge o sa kgone go kwešiša Lentšu, nno bula pelo ya gago gomme o bone ge A sa itsebagatše Yenamong boka A dirile nako yela, “wa go swana maabane, lehono, le go ya go ile.”

A re inamišeng dihlogo tša rena nakwana.

196 Tate wa Legodimong, dinako tše dingwe mohlomongwe. . . Ga ke re go ba go tlaruma le batho. Ga ke re go ba makgwakgwa. Eupša, Morena, bjalo ka tlhalošo ya mmetli, “O kgona bjang go dira poto go tia, ntle le ge o kokotela sepekere?” Kafao ke a rapela, Modimo, gore ba tla kwešiša gore e no ba ka lerato la Bokriste gore—gore re leka go tiela Se tlase. E ka ba ketelo ya batho ba bangwe fa, lebaka la mafelelo leo ba tla tsogego ba dumelelwa. E ka ba lekga la mafelelo leo re tla tsogego re kopane mmogo. Toropokgolo ye e ka no se sa hwetša tsošeletšo ye nngwe boka yona.

197 Efela, nako ye nngwe, ba tla be ba eya pele, “ba na le tsošeletšo,” ba a tleleima, gomme kereke šetše e ile, e tswaleletšwe. Lemati le. . . Noage o be a le ka arekeng ge lemati le tswalelwa ka morago ga gawe, matšatši a šupago pele pula e ka tsoge ya tla, gore ga go yo a kgonneggo go tsena arekeng. Lefase le ile pele thwi, feela go swana.

198 Gomme letšatši le lengwe go ka no ba selo sa go swana, ba ka no phafogela go se Jesu a se boletšego, ge barutiwa ba rile, “Gobaneng bamangwalo ba re, ‘Eliase o swanetše go tla pele?’” Jesu o rile, “O šetše a tlile gomme ga se le mo tsebe.”

199 Kafao e ka ba, go Tla, le go ubulwa. Le lengwe la matšatši a, ba tla tsena ka Tlaišegong. Ba tla re, “Ke naganne Monyalwa o be a eya. Kereke e eya ka tlaišegong?” Kgonthe, kereke e ya ka tlaišegong, eupša e sego Monyalwa. “Gobaneng se se swanetše go ba pele?”

200 Gomme gona Lentšu e ka ba, “O šetše a ile. Ga se o tsebe.” Ba tla be ba eya pele, ba eba le kereke, feela go swana.

201 Modimo, anke batho, bošegong bjo, le ge ba sa kwešiše Mangwalo, E ka ba nyepo go bona, eupša anke yo mongwe le yo mongwe a re, “Gona, Morena Jesu, Wena Yo a lego gona, tsena ka gare le go dula le nna. Ke—ke ne tlhoko. Gomme ke badile ka Beibeleng moo mosadi a kgwathilego kobo ya Gago, gomme O retologile le go mmošša se bothata bja gagwe e bilego, gomme wa re tumelo ya gagwe e mo phološitše. Gomme ke badile ka Beibeleng bontši bjo, gore Wena bjale o ‘Moprista yo Mogolo yoo a kgonago go kgwathwa ke maikutlo a mabofokodi a rena,’ gomme Wena o ‘a swana maabane, lehono, le go ya go ile.’ Bjale tla ka pelong ya ka, Morena, gomme o utolle go nna. Le ge ke sepetše, gomme ke Go ratile, eupša ka kgonthe ga se nke ka ke

ka e bona e dirwa. Kafao ke a rapela, Modimo, gore O tla ntirela yona, bošegong bjo.”

²⁰² E fe go bona batho, Tate. Gomme anke mahlo a rena a bulwe, gohle godimo ga kereke, gomme re tla bona yola wa go ratega, yo bose Morena Jesu yo a tsogilego, wa go swana, maabane, lehono, le go ya go ile. E fe. Anke mahlo a rena a bulege, bakeng sa Mmušo wa Modimo, ka go la Jesu Kriste Leina. Amene.

²⁰³ Bjale, go le ntšha ka nako, nka se be le nako go bitšha mothalo wa thapelo godimo fa, le ge mohlomongwe ba ne dikarata tša thapelo. Ga le hloke go ba godimo fa. Modimo o no ba yo mogolo, ntle fa, bjalo ka ge A le e ka ba kae.

²⁰⁴ Yena o, le a nagana, motlalagohle? Ka nnete, ke Yena. Ke motlalagohle gobane Ke motsebatšohle. Bjale, Yena ga se motl- . . . boka motho gobane Yena, go beng motsebatšohle, O tseba dilo tšohle. Kafao, kagona, Yena—Yena o mogohle, ka go beng motsebatšohle.

²⁰⁵ Feela boka lentšu go kgethelapele, ke lentšu le lebe. Ke le šomišitše metsotso e se mekae ya go feta, gomme ke itantše nnamong, gobane ke kwele moya o katakatela morago. Batho ba bantši ga ba dumele go kgethelopele. Kgethelopele ke lentšu le lebe. Ka kgonthe ke tsebelopele. Modimo o a tseba, pele, ke mang a tla go le ke mang a ka se go, kafao kagona O kgona go kgethelapele ka tsebelopele ya Gagwe. Ke ka lebaka leo A tsebago ke mang a tla go le ke mang a ka se go. Le a bona? Ga A . . . Yena, “Ga A rate gore e ka bamang a lahlege.” Eupša O a tseba ke mang a tla lahlegago. Ge A be a se, gona O be a se Modimo. O swanetše go ba mokgonatšohle feela go swana bjalo ka—bjalo ka motlalagohle; le a bona, motsebatšohle, motlalagohle, mokgonatšohle, mohlokamagomo. Yena ke mohlokamagomo. Ge A se yena, Yena ga se Modimo. Kafao O tseba dilo tšohle, kagona O kgona go bolela bofelo go tloga mathomong, ka gobane Yena ke Lentšu.

²⁰⁶ Bjale, ke mosetsebjje wa go felela. Ga ke bone motho fa yo ke mo tsebago, ntle le ge e le mošemane yo thwi fa. Ge ke tseba mošemane yo, a o be o sa fele o eba le ditedu tše dikgolo, goba sengwe se sengwe, se o se aperego nako ye telele ya go feta? Ke mohuta wa go go botšha ka yona, ge . . . Ke—ke nagana ke yoo a lego, mošemane a dutšego mo madulong a pele. Ka ntle ga yoo, ga ke bone motho yoo ke mo tsebago. Ga ke kgone go bona o tee ntle fao. Ke nno direga go lebelela. Mošemane o dutše fale, o a lla, metsotso e se mekae ya go feta, a pikitla mahlo a gagwe. Ke naganne, “Yola o lebega boka moisa yo moswa yola wa go swana ke bilego le polelonyakišišo ya sephiri nako ye nngwe.” Gomme ga ke tsebe ebile le moo a tšwago. Ke nno lemoga sefahlego sa gagwe. Ga se ke . . . Le a bona? Eupša yoo ke motho a nnoši yoo ke mo tsebago fa bjale. Go lokile.

207 Bjale a o ka no bula pelo ya gago ka mokgwa wo? Ke ba bakae ba lena le hlokago Modimo? Phagamiša seatla sa gago, o re, “Ke a hloka. Ke na le tlhoko.” Ga ke tshwenyeye kae goba o mang, no phagamiša seatla sa gago. Gomme ke bone.

208 Bjale anke Modimo wa Legodimo, Yo a tsošitšego Morwa wa Gagwe, Jesu Kriste, Yo ka Lentšu la Gagwe le le ngwadilwego ke lekago, ka mpho ye Kgethwa, go tsebagatša Bogona bja Gagwe pele ga batho ba, bakeng sa letago la bona, anke A romele Moya wo Mokgethwa godimo ga ka. Ka ge, ka mpho ye, ke itira nna mong go tlemologa, go ba . . . go tsebagatša Jesu Kriste ka nameng ya motho, bjalo ka ge Modimo a tsebagaditšwe ka nameng ya motho mo matšatšing a Sodoma, go phethagatša Lentšu la Gagwe. Anke A e fe ka Leina la Jesu Kriste.

209 Bjalo ka tlhomphekogolo, yo mongwe le yo mongwe, bjale nno thoma go rapela ka pelong ya gago, “Morena Jesu, ke ya go bula pelo ya ka. Gomme tsena ka gare. Gomme anke ke tswalelele gosedumele ga ka gohle, ka ntle. Kagona dira go nna go tsebja selo se O se dirilego pele ga go bapolwa ga Gago, kagona ke tla tseba O tsogile go tšwa bahung.”

210 Bjale, e ka se kgone go swara yo mongwe le yo mongwe wa lena. Yeo ke nnete tlwa. Eupša ba bangwe ba lena, ga go pelaelo, e tla swara. Gomme ge e swere o tee, feela boka mosadi yola ntle fale, ka moka ga rena . . . Batho kua—kua Sikara ga se ba swanele go ba le yona e dirwa go bona, ba e dumetše. Gomme ge eba yo mongwe, feela mosadi o tee, monna o tee, mošemane o tee, ngwana o tee, e ka ba mang e lego, a ka tsebagatšwa ka tsela yela, ge bona batho morago fale, ba ba sa nkago ba ke ba Mmona, gomme re rutilwe ka go yona, ka kgonthe re swanetše go dumela. A yeo ke nnete, baena? A seo se kwagala go kwagala go lena bohle? Kgonthe.

211 Go thata ge o rera ka mokgwa wola, morago o tle . . . Le a bona, ke dimpho tše pedi tša go fapana. E tee ke go bolea; ye nngwe ke go bona.

212 Bjale o no dumela ka pelo ya gago yohle, yo mongwe le yo mongwe wa lena. O se belaele, eba le tumelo ka go Modimo. A re thomeng go lebelela ka lehlakoreng le *fa*, yo mongwe. Yo mongwe nno lebelela. O tla swanela go ema tikologong *fa*, mehuta yohle ya go dumela. Se gatelele go yona; le a bona, o taboga godimo ka godimo ga yona. E bjalo, e bjalo ka karolo ya gago. Le a bona? Nno iketla wenamong, gomme o re, “Gabotse, kgonthe, leo ke Lentšu. Ke a Le dumela. Yola yo monnyane, moisa wa kgale godimo fale ga a ntsebe. Eupša ke tseba Jesu. O boletše Therešo mabapi le Lentšu, gomme ke a e dumela.” Nno e dira ka mokgwa wola, o re, “Ke a babja le go hloka, gomme ke ne tlhoko.” Nka se kgone go go fodiša, gomme se ga se g fodiše, eupša se no tsebagatša.

213 Ga go makatše lena batho le kgona go ba go tsagatsaga. Le no—le no bona feela mokgwatho o tee wa Yona fa. E bolela se se tlogo direga, le ke mang a tla go, dikaekayane, le tšohle ka ga yona. Gomme ga senke le nako e tee, ga se nke La ke le nako e tee la palelwa, ka go makga a masome a dikete, go dikologa lefase. Ke ba bakae ba Le latetšego, le go tseba Ke therešo. Phagamiša seatla sa gago. Le a bona? Gabotse, nna! Le a bona? Ga se nke. . . E, E ka se be selo gape eupša Modimo, gomme ya ba go lebanya bjalo, le a bona, ka gobane ke tshepišo ya Gagwe. E ka se tsoge ya palelwa. Bjale, ga A. . .

214 Yeo ga e go fodiše, gobane O šetše a dirile seo. O no tsebatšha O fa go boloka tshepišo yela. Bjale, ge A bolokile tshepišo yela, O boloka tshepišo ya phodišo. A yeo ke nnete, banešu? O boloka tshepišo ya Gagwe ya phodišo ge eba O boloka tshepišo yela. Ke leswao la kgonthe kudu.

215 Go ka reng ge yo mongwe a be a le fa ka go setulo sa bagolofadi, gomme ke ba topetše godimo, e ka ba taba ye botse ya sakholotši, goba se sengwe se sennyane se kgonago go dira motho yola go sepela. Eupša e ka se kgone go hlatha dikgopolo ka pelong. Le a bona? Ke selo se tee sa go rereša. Go tseba se o se dirilego, ke wena mang, le tšohle ka ga gago, seo se tšea Modimo, a nnoši, go phethagala nako le nako.

216 Fa, ke—ke duma—ke duma nka kgona go hlaloša se. Ga go bohlokwa go nna go leka go e hlaloša. O ka se kgone go e dira.

217 Eupša bjale, ge nka kgona go bolela lentšu le, se sengwe ka gare ga ka se fetoletše go sekgao se sengwe. Le a bona? Ke lebeletše thwi go Pilara ya Mollo yela yeo e latetšego Israele go kgabola lešoka. Ke ba bakae ba kilego ba bona seswantšho sa Yona? A re boneng seatla sa gago. Kgonthe. Ke lebeletše go Yona thwi, e fa thwi, ke lebeletše thwi ka go lokologa go Yona, talama, mohuta wa go lebega boaserolwana bjo botala, go retologa.

218 Ke bona mosadi a sepelela godimo. O dutše thwi fa, ya, a ntebeletše thwi. Gomme o dutše thwi fase fa, a ntebeletše thwi. Gomme o a tlaišega. O rapela bakeng sa bolwetši bjoo a nago nabjo. Ke bolwetši bja madi. Ke bolwetši bja swikiri. Yeo ke nnete. Yeo ke nnete. Bobedi bja bona, lena ba babedi moo bona bašemane ba dutšego fale ba golofetše, le na le bolwetši bja swikiri, phagamišang diatla tša lena. Le a bona?

219 Bjale, ke eng seo? Le be le nagana ka yona, a le be e sa? Go leka go bula pelo ya gago. Bjale, le a bona, O nno tla thwi ka gare le go dira feela tlwa ka tsela ye A dirilego pele ga go bapolwa ga Gagwe. Bjale, ga o ntsebe, a o a dira? Ga go le o tee wa lena a ntsebago. Ge seo e le nnete, pagamiša diatla tša gago, ge o sa ntsebe. Go lokile. Ga o lokile. Ga o ntsebe. Gona, go swanetše go ba Yena, gobane ga ke go tsebe. Go swanetše go ba Yena.

220 Ge o ka no e dumela, ka pelo ya gago yohle, Modimo o tla e dira e bonagale. O swanetše go e dumela go le bjalo.

221 Fa, go ne monna a sebaseba, o boletše se sengwe go yo mongwe. O dutše fa thwi a ntebeletše, mohuta wa go akola, a apere hempe ye tšhweu. Re basetsebane go rena seng, mohlomphegi. A yeo ke nnete? O dutše thwi hleng ga gago, o tee godimo. Aowa. Go ka morago ga gago, mohlomphegi. Aowa, ka morago ga gago. Ke monna ka hempe ye tšhweu. Nno swara lefelo la gago. Wena, o a dumela. Monna a aperego hempe ye tšhweu. Ge Modimo a ka... Yoo ke wena. Ee mohlomphegi, lebelela go dikologa. Ge Modimo a ka mpošša bothata bja gago ke eng, a o tla dumela O tla go fodiša? O ne bothata bja pelo. Ge yeo e le nnete, phagamiša seatla sa gago. Go lokile. O amogela phodišo ya gago?

222 Bjale, go ne monna thwi fa, o phagamišitše seatla sa gagwe, felotsoko thwi go bapa fa. Ke ka go ye ye nnyane... Wena, o ntumela go ba mohlanka wa Modimo, moprofeta wa Gagwe? O a dira? Gape o tlaišega ka bothata bja pelo. O ne atheraithese, gape. Yoo ke mosadimogatša wa gago a dutšego kgauswi le wena, gomme o tlaišega ka atheraithese. Gomme le yena gape o ne mantladima a modikologo. Ge yeo e le nnete, phagamiša seatla sa gago. Yeo ke nnete. O a dumela nka go botša ke wena mang? Mna. le Mdi. Jones, le ka dumela, dumelang bjale gomme le fole.

223 Dumela ka pelo ya gago yohle. Bjale, ke mosetsebje go wena. Eba le tumelo ka go Modimo. Se belaele. Nno dumela.

224 Fa go dutše monna, mohuta wa hlogopududu, o dutše thwi fa mo mafelelong, o kamela moriri wa gagwe, ka mathoko. Sesela Seetša sela hleng le... Ee, mohlomphegi, o be o le setulong sa gago. O ntumela go ba moprofeta wa Modimo, mohlanka wa Gagwe? O a dumela gore letadi lela le ya go go tlogela, gomme o tla ba gabotse? O a dira? Phagamišetša seatla sa gago godimo. Bjale, ke mosetsebje wa go felela. Seo ke se o bego o se rapela.

225 Monna kgauswi le wena o phagamišitše seatla sa gagwe, le yena, ka gobane o dumetše. Gabotse, eng... Ga a ne letadi, eupša o ne atheraithese. Yeo ke nnete. Yeo ke nnete, šikinya seatla sa gago, mohlomphegi. Yeo ke nnete. Aгаа. Bjale, ke a go botšiša, a o a dumela? Selo se nnoši o swanetšego go se dira ke go ba le tumelo.

226 Mohumagadi yo monnyane yo a dutšego thwi fa mo mafelelong. O a dumela, mohumagadi, o dumela ka pelo ya gago yohle? Uh-huh. O dumela gore bothata bjoo bja mogodu bo ya go go tlogela? O a dira? O ne morwalo pelong ya gago, a ga o? Woo ke bakeng sa morwedi wa gago. Ga a gona fa. O a dumela gore nka go botša moo a dulago? O dula California. O ne morithi wo moso godimo ga gagwe. O ya go hwa ge se sengwe se sa dirwe ka yona, ka gobane o ne morithi ka kankere. Ge seo e le nnete, phagamiša seatla sa gago. O a dumela nka go botša ke wena mang, ka thušo ya Modimo? Jesu o boditše Simone o be a le mang. A yeo ke nnete?

Mdi. Ackerman. Yeo ke nnete, phagamiša seatla sa gago. Uhuh. Nnete.

²²⁷ Mohumagadi yo monnyane wa moromiwa a dutše fale kgauswi le wena, o mohuta wa go tshwenyega ka ga dilo tše dingwe, le yena. Yeo ke nnete. O rapelela mogwera, o gateletšwe fase gohle, wenamong. A yeo ke nnete? Gomme o moromiwa. Dumela ka pelo ya gago yohle. Ga ke go tsebe, ga sa nke ka ke ka go bona. Eupša yeo ke therešo.

²²⁸ Mohumagadi a dutšego ka morago ga gago, morirpududu, ka bothata bja mogodu. O a dumela gore Modimo o tla go dira gabotse ka seo? O ka ba le seo, le wena.

²²⁹ A o dumela ka pelo ya gago yohle? O a bona? Ke eng? Ke ye e tsebagadišwego. Bjale, Lentšu le boletšwe bjalo, bjale Yena šo a etla ka dipelong tša lena le go ikutolla Yenamong feela boka A dirile. A seo ga se tšwa se A se dirilego pele ga go bapolwa ga Gagwe? Phagamiša seatla sa gago. Gona, O tsogile bahung. A o a e dumela? Gomme bjale ge o le ka Bogoneng Bokgethwa bja Gagwe, a mahlo a gago a bulegile bjale go lemoga gore yena Modimo yoo o yago go ema pele Letšatšing la Kahlolo, o thwi fa magareng ga rena bjale gomme o tseba se sengwe le se sengwe o naganago ka sona?

A o tla inamiša hlogo ya gago bjale?

²³⁰ A o nagana ka Yena? O tla rata Yena a be Mophološi wa gago? Ge o le, a o ka emelela bakeng sa lentšu la thapelo? Wena o nyakago A be Mophološi wa gago, o a ema bakeng sa lentšu la thapelo. Modimo a go šegofatše, mohlomphegi. Modimo a go šegofatše, mohumagadi. Modimo a go šegofatše, mohumagadi. Modimo a go šegofatše. E no lebelela. Bjale, re . . . Nno ema, feela nakwana, gore ke kgone go go rapelela. Emelela. “Ke nyaka go Mo amogela bjalo ka Mophološi wa ka. Mo Bogoneng Bokgethwa bja Sephedi sa Gagwe bjale, ke nyaka go Mo amogela bjalo ka Mophološi wa ka.” A go tla ba ba bangwe gape? Ke a dumela ba gona, kafao ge le ka no ema ka maoto a lena. Modimo a le šegofatše. Modimo a le šegofatše.

²³¹ E direng bjale, le a bona. Le se lete go fihla gosasa. Gosasa go ka ba thari kudu. Lehono Yena ke Mophološi wa gago, gosasa A ka ba Moahlodi wa gago. O a bona? Kafao bjale, ge eba A bolela le pelo ya gago, feela go swana le ge o butše pelo ya gago. Modimo a go šegofatše, wena. Yeo ke nnete. E no fela le eme. Ge o dumela ka pelo ya gago yohle, a o tla Mo amogela, ge o sa le ka Bogoneng bja Gagwe? A o— a o ka dira seo? A o ka no Mo amogela bjalo ka Mophološi wa gago?

²³² Ke a makala, ge o ka dira seo, ge o sa bea seatla sa gago godimo ga pelo ya gago, ka mokgwa wo, yo mongwe le yo mongwe wa lena. A re rapeleng. Bjale o rapela ka tšela ya gago mong, “Modimo, eba kgaogelo go nna, modiradibe.”

233 Gomme ge o dira seo, ke nyaka wena, mo metsotsong e se mekae, go tla godimo fa le go paka gore o Mo amogetše bjalo ka Mophološi wa gago. “Ka gore ge o ka ge o ka paka ka Nna pele ga batho, Ke tla mo paka pele ga Tate wa Ka le Barongwa ba bakgethwa. Ge o lewa ke dihlong ka Nna pele ga batho, Ke mo jela ke hlong pele ga Tate wa Ka le Barongwa ba bakgethwa.” Bjale hlokomelang, elelwang, O tseba pelo ya gago. O netefaditše seo. Yena ke Lentšu. Bjale ke nyaka o dire seo, mo metsotsong e se mekae.

Ke go nyaka o Mo amogele, ge re rapela.

234 Morena Jesu, ge Seetša sela se be se sepela godimo, go dikologa batho, dipono di be di thenkgologa godimo ga batho. Gohle ka bjako, Se emišitše le go tla morago, gomme O boletše go nna go dira se. “Go obamela go phala sehlabelelo.”

235 Gomme, Morena Jesu, sephohla se sa batho, ba bantši ba bona ba dumela go Wena gonabjale. Ba Go amogela bjalo ka—bjalo ka Mophološi wa bona. Ba a dumela. Ba a tseba seo ke therešo. Ba be ba le thwi fa ge go direga, gomme ba a tseba gore O tsogile bahung, gomme O sa phela, le go tseba gore re ya Kahlolong, go kopana le Wena mo Setulong sa Kahlolo sa Kriste. Gomme re nyaka tshwarelo, Morena. O boletše, Lentšung la Gago Mong. Ke tla le tsopola, Tate, feela gore—gore re tle re tsebe. O rile, “Yo a kwago Mantšu a Ka,” seo ke tlwa se re bego re bolela ka sona bošegong bjo, “gomme a dumela go Yena yoo a Nthomilego,” ba a dira, “o ne,” lebaka la bjale, “Bophelo bjo bo safelego gomme a ka se tsoge a ya Kahlolong, eupša o fetile lehu go ya Bophelong.” Bjale, leo ke Lentšu la Gago, Morena, feela go swana bjalo ka Johane 3:16 le lohle ka moka Lentšu. O rile, “Yo a tla dumelago.”

236 “Yo a tla Mpolelago,” gape, O rile, “pele ga batho, yena Ke tla mmolela pele ga Tate wa Ka le Barongwa ba bakgethwa. Eupša yo a lewago ke dihlong ka Nna pele ga batho, yena Ke tla mo jelwa ke hlong pele ga Tate wa Ka le Barongwa ba bakgethwa.”

237 Bjale, Bogoneng bja Gago bjo Bokgethwa, bjalo ka ge O tlile bošegong bjo, gomme bohle re fa, badumedi ba Bakriste, go kwa Bogona bjo bogolo bja Sephedi sa Gago, maikutlo ale a magolo a segoši a Bomodimo, goba Modimo a sepela tikologong, magareng ga rena. Ga go makatše, Morena, Bo foufatša mahlo a mosedumele yo a sa dumelego Lentšu. Le ka fao Bo bulago mahlo a bale ba ba tla go dumela!

238 Bjale, O butše mahlo a batho bale, ka go ikutolla Wenamong go bona. Bjale, Morena, bula dipelo tša batho ba le go dira madulo a Gago le bona, Tate. Ke ba Gago. Ke ba neela go Wena. Ke bona diala tša Lentšu la Gago. Lentšu la Gago le ba biditše, gomme Lentšu la Gago le ba tsebagaditše. Gomme bjale ba itsebagaditše bonabeng, ka go emelela go fa bohlatse gore ba nyaka O ba lebalele dibe tša bona. O rile, “Yo a tlogo go Nna,

Nka se mo rakele ntle.” Gomme magodimo le lefase di tla feta, eupša Lentšu la Gago le ka se palelwe. Ke ba Gago, Morena. Ke ba Gago. Ka Leina la Jesu Kriste, ke tleleima yo mongwe le yo mongwe wa bona. Gomme Leina la Gago le tla tumišwa bakeng sa yona.

²³⁹ Anke ba akaretšwe ka go Monyalwa, go ya ka tsogong. Gomme ge nka se tsoge ka bolela le bona, godimo ga lefase, goba go šikinya diatla tša bona, goba monyetla wa go ba kolobetša ka go kolobetša ya Sekriste, anke, Modimo, mo Letšatšing lela ge go fedile gomme re dula fase Selalelong sa Monyanya, anke ke be le monyetla go lebelela go kgabola tafola, gomma ba re “Oo, gobaneng, e be e le tlase ka Tampa, Florida, bošegong bjola, Ngwanešu Branham, bjoo ke emego.” Gomme ke re, “Bjale Yena šo. Le a bona, O a swana.” E fe, Morena. Ba boloke ka mogau wa Gago. Leineng la Jesu Kriste, ke a e kgopela. Amene.

Gomme le ka dula.

²⁴⁰ Feela metsotso e se mekae, re ya go bitša go lena go tla godimo fa le go fa boitsebišo go moleko wa lena.

²⁴¹ Bjale, lena ba le emego ka maoto a lena, lena ba le emeletšego ge thapelo e be e tšwelapele, a le hlatseditše sengwe se sengwe, gore le dirile selo sa maleba, gomme le dumela Yena ke Morwa wa Modimo, gomme bjale o Mo amogela bjalo ka Mophološi wa gago wa sebele? Phagamiša seatla sa gago, o re, “Bjale ke a Mo amogela.” Modimo a le šegofatše. Go bonagala boka diphesente tše lekgolo. “Bjale ke Mo amogetše bjalo ka Mophološi wa ka.”

²⁴² Bjale kgato ya go latela ke go tlatšwa ka Moya wo Mokgethwa. (O na le kamora bakeng sa seo, a ga o na, ngwanešu? Kamora bakeng sa seo. Fa. Ee, mohlomphegi.) Ba tla le memela ka go yona mo motsotsong.

²⁴³ Bjale, go fetša mothalo wa thapelo, a re emeng. . . Bjale, le se ke la šuthašutha tikologong. Le a bona, nako le nako ge le šuthašutha, seo se tsenatsena Moya wa Modimo. Le a bona? Bjale le se šutheng. Ke nna yo, thari gape. Beang diatla tša lena godimo ga lena seng gona, gomme beang diatla tša lena go lena seng gomme le rapelelane seng. Bjale yeo ke yona. Yeo ke yona. Yo mongwe le yo mongwe wa lena ke modumedi.

²⁴⁴ Oo, a ga se. . . a ga le ikwele bose? E reng, “Amene.” A ga le ikwele boka bjale gore le thwi ka Bogoneng bja Modimo, ale a mabose, maikutlo a go kokobela? Anke disoulo tša rena di se tsoge tša tšeelwe kgole le lefase le dilo. Ge, maikutlo ale a go ratega a mabose a Mesia wa rena yo mogolo, Jesu Kriste, thwi magareng ga rena bjale ka sebopego sa Moya wo Mokgethwa. Lefase ga le tsebe selo ka bjona. Eupša re a Mo tseba. Re Mmone. Re Mmone a itsebagatše Yenamong.

²⁴⁵ Elelwang, matšatšing a Abraham, gore—gore Modimo yola a bego a le nameng ya motho, ga sa nke A ya tlase fale ka Sodoma. Go be go ne bareri ba babedi ba ilego tlase fale, eupša e

sego Yena. O šetše le ya go kgethiwa, Kereke ye e bileditšwego ntle. Yeo ke ye Molaetša wa Gagwe o bego o e ya go yona. A ga go makatše gore O tla go rena, lehono? Re ipona renabeng re tsebagaditšwe bjalo ka Peu ya bogoši ya Abraham. Yo, ka mokokotlo wa Gagwe o furaletše tente, o boletše se Sarah a bego a se nagana. Selo sa go swana thwi fa bošegong bjo, se dira selo sa go swana, ka go nama ya motho. Jesu o rile go tla direga, “Matšatši a ge Morwa wa motho a utolotšwa.”

²⁴⁶ Bjale, O boletše selo se sa go latela, “Maswao a a tla latela bona bao ba dumelago; ge ba bea diatla tša bona godimo ga balwetši, ba tla fola.”

²⁴⁷ Bjale ka diatla tša lena mmogo, dipelo tša lena mmogo, a re inamišeng dihlogo tša rena bjale gomme re rapeleleng balwetši.

²⁴⁸ Wa rena wa mogau, Tatewešu wa Legodimong, re tliša go Wena batheeletši ba ba letilego ba, le ka go Bogona Bokgethwa bjo, O Modimo. Ga go makatše barutiwa bale, Kleopa le mogwera wa gagwe, go ba tšere letšatši lohle go fihla Emause. Eupša, dinakwana di se kae, ba be ba boile. Ba be ba ne barutiwa ka moka. Ga se ba tle go ngangišana ka boemo bja bona bja bodumedi, eupša ba tla gobane ba Mmone. Ba be ba le ka . . . Ba be ba kopane le Yena. Ba—ba Mo kwele a rera, gomme ba Mmone a itsebagatša Yenamong, gore O be a le Kriste yo a tsogilego.

²⁴⁹ Wena o Lentšu. Lentšu le rerilwe. Lentšu le dirilwe go bonagala. “Le—le Lentšu le hlatha dikgopolo tšeo di lego pelong.” Le bolela bjalo. Gomme re ne kgonthe bjalo ka ge ba be ba le, Morena, feela kgonthe bjalo ka ge ba be ba le. Re bona leswao la tsogo, gomme re a tseba gore ke boitsebišo bja Gago o ikutolla Wenamong, bjalo ka ge Kereke ya Gago le Lentšu ba swanetše go ba batee, ka gobane monnamogatša le mosadimogatša ke batee. Monyalwa le Lentšu ba ba batee.

²⁵⁰ O Modimo, ge re Le bona magareng ga rena, re hlalala bjang ka go Lona; le go bona ditholanakgopolo tša go swana, seswantšho sa go swana se tšerwe, ka sesaense.

²⁵¹ Morongwa wa Morena, yoo a ntšhitšego Israele go tšwa Egepeta gomme a ba iša nageng ya tshepišo, “o ile a dirwa nama le go dula magareng ga rena,” o rotogetše Godimo. O rile, “Ke tšwa go Modimo, gomme Ke ya go Modimo.”

²⁵² Dikgwedi di se kae moragorago, šo O be a le tseleng go ya Damaseko, le Saulo, yo a mo rathetšego tlase. Gomme Saulo, go boneng Pilara ya Mollo yela ya go swana, o rile, “Morena, Wena o Mang?”

²⁵³ O rile, “Ke nna Jesu. Go thata go wena go raga seotledi.”


²⁵⁴ O Morena, re a bona, mengwaga ye dikete tše pedi moragorago, šo Yena, a netefaditšwe ka sesaense, le go netefatšwa ka tumelo, ka kerekeng, gomme a dira selo sa go swana A se dirilego, go tsebagatša Mangwalo tlwa bakeng sa

letsatši le. Ga re sa ganetša le neng, Morena. Re a dumela. Thuša gosedumele ga rena. Anke dipelo tša rena di tlemollwe.

²⁵⁵ Anke bolwetši bo lahlegelwe ke maatla a bjona. Badumedi ba ba ne diatla godimo ga bona seng. Thapelo ya tumelo e a dirwa gonabjale. “E tla phološa molwetši, gomme Modimo o tla ba tsošetša godimo.”

²⁵⁶ Sathane, tlemolla batheeletši ba. Ka Leina la Jesu Kriste, ba lese ba ikele, gore ba lokologo go tloga bolwetšing le mekomaneng, bakeng sa letago la Modimo.

²⁵⁷ Bjale no tšwelangpele le itswaleletše ka gare. Nno thomang go rapela. Rapelang ka tsela ya lena beng. Beang diatla tša lena godimo ga lena beng bjale. Nno tšwelapele o rapela, o re, “Morena Modimo,” ka tsela ya gago bjale. Ke le rapeletše, bjale rapelelanang lena seng. Bea diatla tša gago go moagišane wa gago fale, o re, “Morena, fodiša mosadi yo. Fodiša monna yo. Ke a e dumela. Ke ba tleleimela yona. Ba ntleleimela yona. Ke a dumela gore O fa.” Gobaneng, go tla hwa bogatšu, go se dumele seo. Se dumele, ka pelo ya gago yohle.

²⁵⁸ Morena Modimo a dire yo mongwe le yo mongwe wa lena go fola! Nno rapelang thwi, gomme le dumele. Anke Morena a fodiše yo mongwe le yo mongwe wa lena, go tloga dikgatong tša maoto a lena go ya go mphapahlogo wa hlogo ya lena. Amene. 

GOMME GE MAHLO A BONA A BULEGA, BA MO TSEBA NST64-0416
(And When Their Eyes Were Opened, They Knew Him)

Molaetša wo ka Ngwanešu William Marrion Branham, mathomong o abilwe ka Seisimane Labone mantšiboa, Aporele 16, 1964, ka McKay Auditorium ka Tampa, Florida, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho tlhathollo e ngwadilwe gomme ya phatlalatšwa ke Voice of God Recordings.

NORTH SOTHO

©2020 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org